

東  
華  
續  
錄

東華續錄

同治九十五

臣王先謙敬編

臣張式恭恭校

九月壬午朔予湖南故巡撫張亮基布政使潘鐸於省城建祠提督鄧紹良等附祀○癸未諭軍機大臣等劉嶽昭岑毓英奏官軍攻克趙州蒙化廳城並大理之上下兩關請將出力陣亡各員分別獎卹本日已將總兵楊玉科等照所請獎卹矣此次楊玉科等督兵進攻趙州蒙化廳城並大理之上下兩關兩旬之間克復堅城要隘頗爲迅速深堪嘉獎見在逆眾麇集大理岑毓英擬親往督攻自應如此辦法卽著該撫馳赴迤西督同楊玉科等將大理府城迅圖攻克如有願爲內應殺賊獻城者並著岑毓英傳旨嘉獎俟克復府城後優予恩敘使民人知順逆之分不至助賊堅

守第軍營宜有專責庶功罪無所推諉此番攻勦大理卽責成岑毓英辦理不得稍存推諉之見其省城防守事宜卽著劉嶽昭妥籌辦理毋許稍有疏虞順甯雲州二城尙未攻克該處爲大理後路若督兵進勦克復兩城則大理賊援已斷迤西一帶可冀次第削平馬如龍向來性情勇往卽著統帶所部馳赴雲州一帶力籌攻克以專責成岑毓英另摺奏參將被仇刺殺見派員查辦一摺參將梁士美跋扈驕恣目無法紀前經降旨令該督撫等妥爲鈴束何以此次在廟議事忽被刺殺恐知州承保等所稟各情未盡確實著卽飭令何秀林等認真訪查兇犯共有幾名是否有人主使奏明辦理以杜擅殺之風毋得稍有含混將此由六百里諭知劉嶽昭岑毓英並傳諭馬如龍知之○飭各省迅解滇餉○左宗棠奏地產瑞麥瑞穀請宣付史館得旨朝廷不言祥瑞惟期年穀

順成前經李鴻章奏另有旨宣示矣甘省軍務未平閭閻彫瘵所望淨埽賊氛登吾民於衽席毋得因地方官呈報稍涉矜夸勉之○予雲南陣亡副將李廷標等祭葬世職○丙戌諭內閣彭玉麟著署理兵部右侍郎童華毋庸兼署前據彭玉麟奏懇恩於陛見後回籍養病本日召見時復再三陳請彭玉麟辦事認真深堪嘉尚刻下傷疾已痊精神亦健特令畱京供職用示朝廷倚任之意該侍郎毋得固辭○丁亥諭軍機大臣等喬松年奏遵議黃運兩河情形並籌堵運河缺口各摺片據稱山東境內黃水日益氾濫運河日益淤塞權衡治河之法以就東境築隄束黃爲優擬先堵霍家橋等口並於南北兩岸修築長隄俾黃水前趨張秋借以濟運其張秋迤北迤南積淤之處普行挑濬修建牐壩以濟漕行等語自黃河穿運以來氾濫於山東境內非特漕運阻滯且民田亦

多被害亟應妥籌辦法喬松年所奏因勢利導不爲無見著丁寶楨文彬將該河督摺內所陳各節詳細酌度妥議具奏但求於事有濟不得固執已見其片內所稱或將黃水穿運各缺口分別酌堵酌畱並挑清河身修培隄工各等語該河督所奏自仍以堵霍家橋等口築隄束黃爲正辦著丁寶楨等一併議奏原摺片著鈔給閱看將此諭知丁寶楨並傳諭文彬知之○撥河南司庫銀二萬兩備黃河工需○戊子諭軍機大臣等何璟奏江北河運漕船全抵臨清請飭築壩以備回空一摺十年分江北河運各起漕船已於八月初間全抵臨清卽用原船徑赴通壩交界惟八里廟一帶黃水長落不時此次各船於五月閒行抵該處節節築壩蓄畱陂水始克暢行無滯直達臨清將來漕船回空時仍須預爲籌畫著丁寶楨文彬嚴飭沿河各州縣俟漕船回空過境時認真築壩

著水設法濟運俾得迅速過歸何璟一面飭令王大經畱派妥幹員弁會同東省各員速爲辦理以免臨時遲誤將此諭知何璟丁寶楨並傳諭文彬知之○庚寅諭軍機大臣等瑞麟張兆棟奏瓊州府屬土匪滋事勦辦情形一摺據稱瓊州土匪何亞萬等糾集萬州黎匪多人分竄定安樂會等處焚擄經署瓊州鎮總兵劉成元帶兵進勦斃匪多名餘匪逃回黎洞避匿等語地方水旱偏災全在該管官體察民情妥爲綏輯此次土匪何亞萬等藉荒歉爲名突起滋事是否地方官辦理不善以致釀成事端著瑞麟等確切查明據實具奏該匪何亞萬等聚眾已至千餘膽敢負隅抗拒實屬形同叛逆若不速籌勦辦恐致蔓延瑞麟等務當檄飭劉成元督率官軍迅將匪徒力圖撲滅毋稍遲緩並將首要各犯悉數擒獲一面剴切曉諭解散脅從以期早日戡事瓊州地方春雨稀

少田禾被災情形若何如有應行撫恤之處並著妥籌辦理將此  
由五百里各諭令知之○諭杜嘎爾奏擬擇地移紮官軍一摺據  
稱邊外見無賊蹤濟爾嘎朗圖地方官兵駐紮日久水草取用盡  
竭見值天氣寒冷擬於四子王旗達爾漢貝勒部落擇地駐紮等  
語並著照所擬行惟賊蹤出沒靡常該副都統仍當多派員弁分  
投遠探遇有賊匪卽行率隊剿擊毋稍大意福珠禮一軍原紮賽  
爾烏蘇距庫倫較近卽著咨商張廷岳等酌度地勢情形飭令福  
珠禮統率所部遵照扼紮以護糧運將此由四百里諭令知之○  
癸巳以黃鉦爲內閣學士由詹事選○甲午以 大婚冊立 皇后前  
期遣官祭告 天 地 太廟後殿 奉先殿○諭軍機大臣等  
瑞聯恭銓奏州縣剿捕馬賊情形並抒管見一摺奉省馬賊滋擾  
日肆蔓延亟應及早撲滅以免釀成巨患據奏該省新民屯及興

京之新兵堡義州之清河門開原之法庫門岫巖之大孤山等處雖有兵隊駐紮而頓兵一處賊仍得以乘閒肆擾瑞聯等擬於駐紮營兵中以三五十人各爲一隊遴員管帶分別段落往返巡查著都興阿酌量情形妥籌辦理官兵分隊駐紮尤須申明紀律責成帶兵員弁嚴加約束明定賞罰以資得力該匪黨類固多無賴貧民而諸色旗丁各處兵勇不免潤迹其中自應一體懲辦乃竟有關礙私情不加緝究或被獲到案任其狡展種種瞻徇情弊實堪痛恨著該將軍府尹嚴飭所屬旗民各官認真訪察不論何項人等但經爲賊卽徑行捕拏窮治黨與如本管官袒庇不交或問官承審不實卽行分別從嚴參辦盜賊所至必有巢穴及零星窩藏之家近來承審人員往往止圖速結不復深求以致窩家多未破獲嗣後除孤村旅店僻壤農家畏其兇橫強行食宿者照常免



罪外其餘無論曾否造意有無同行但知係賊匪而窩畱分贓者  
卽照強盜窩主擬斬立決若並未分贓僅知情容畱或受託寄頓  
及代爲銷售者不論人數贓數均發新疆給官兵爲奴遇赦不赦  
旗人有犯銷除檔冊一體實發承緝承審之旗民各官務須確切  
根究不得仍前顛預致有疏縱其緝捕之人並聞有得受月規案  
縱包庇或勾通一氣魚肉商民及貪圖重賄捕得賣放者似此通  
賊殃民實屬罪不容追著該將軍府尹嚴密訪查該管兵弁勇丁  
及各州縣書吏差役儻有前項情弊立即捕獲治以軍法毋稍徇  
縱盛京爲根本重地都興阿務當破除情面秉公辦理瑞聯恭鏜  
亦不得以州縣勦捕難期得力稍涉推諉該將軍府尹同受國恩  
其和衷商榷實力籌辦以遏亂萌原摺著鈔給都興阿閱看將此  
各諭令知之○乙未寅刻 上禮服御太和殿閱視 皇后 冊

寶道惇親王奕諒爲正使貝勒奕劻爲副使持節奉冊寶

詣皇后邸冊封阿魯特氏爲皇后遣大學士文祥爲正使禮

部尙書靈桂爲副使持節齎冊印封富察氏爲慧妃申刻慈

安皇太后慈禧皇太后御慈甯宮上詣慈甯門行禮禮畢

御太和殿受賀○遣惇親王奕諒爲正使貝子載容爲副使持節

詣皇后邸行奉迎禮○命委散秩大臣三等承恩公崇綺以內

閣學士候補員外郎鳳秀以四品京堂候補○丙申子刻皇后

由邸第升鳳輿鑾儀衛陳儀仗車輅鼓樂前導由大清中門行御

道至乾清宮降輿上具禮服候於坤甯宮丑刻行合巹禮○丁

酉上率皇后詣壽皇殿行禮詣慈安皇太后慈禧皇

太后前行禮御乾清宮皇后率慧妃以下行禮○戊戌

皇后朝慈安皇太后慈禧皇太后於慈甯宮盥饋醴饗如儀

○己亥 慈安皇太后 慈禧皇太后御慈甯宮 上率諸王大

臣行慶賀禮 御太和殿羣臣慶賀頒詔天下覃恩有差○賞奉

迎 皇后鳳輿王大臣暨執事官員加級紀錄有差賞校尉護軍

等銀○諭軍機大臣等穆圖善奏移師入陝籌辦情形請將銘軍

馬步八營暫緩議撤邵亨豫奏甘省潰勇竄近陝邊並續探情形

撥兵迎擊穆圖善已抵涇州各摺片據穆圖善奏楊世俊所統馬

隊潰變意圖竄入陝境見經銘軍副將潘萬才收撫等語惟覽邵

亨豫所奏潰勇下竄通渭駐紮該處之藍旗馬隊隨同潰散兩哨

駐紮直道鎮之副白旗旋亦潰變裹脅不下二三千人九月初五

日夜間全數竄過汧陽直向東下是該匪黨業已竄入陝境是否

潘萬才收撫之外另有東竄匪股著穆圖善邵亨豫曹克忠確切

查明將已撫各勇妥籌安置其東竄之匪迅速派隊截剿毋任滋

聞西甯撫事見又變更句引陝回抗拒官軍河州回眾亦有蠢動情形儻該降眾再有反覆則是前功盡棄大局殊屬可虞左宗棠進省以後自已熟籌布置見在西甯回匪既不就撫自當督飭官軍實力勦辦迅速殲除其河州降眾仍當隨時察看密爲防範以免他虞此時甘省防勦正當緊要穆圖善所部駐紮北山之馬隊六起步隊四營尙資得力未便遽行撤動著該將軍飭令仍紮原處妥爲防勦左宗棠一面揀派勁旅前往接防儻左宗棠所派之隊未到或到後布置尙未周妥穆圖善遽將此軍撤赴陝境致有疏虞惟穆圖善是問甘省轄地綿長需兵較多見在大局未穩全在羣策羣力共濟艱難左宗棠務當和衷虛己聯絡眾心以期維持全局迅奏膚功金順著仍遵前旨迅由甘涼一帶馳抵肅州卽行具奏並將後路甘涼鎮番一帶妥爲布置與各軍互相聯絡

不准再涉遷延亦不得稍分畛域穆圖善請將總兵丁汝昌副將  
潘萬才所帶銘軍馬步八營暫緩遣撤等語著邵亨豫俟劉盛藻  
到後妥商辦理將此由六百里諭知左宗棠穆圖善金順邵亨豫  
並傳諭曹克忠知之○庚子 上率 皇后暨慧妃以下詣 慈  
甯宮奉迎 慈安皇太后 慈禧皇太后升座進酒行禮 上御  
太和殿賜 皇后親屬暨王以下文武大臣蒙古外藩使臣等宴  
○欽奉 慈安皇太后 慈禧皇太后懿旨皇帝寅紹丕基於今  
十有一載親賢夾輔其濟時艱茲當大婚禮成自應特沛恩施用  
彰勞勩其近支王公勳舊後裔亦宜一體施恩以光慶典惇親王  
著加恩在紫禁城內坐四人轎毋庸進領侍衛內大臣班並免帶  
豹尾槍差使伊子載濂著封奉恩輔國公恭親王輔政多年勩勞  
懋著前於咸豐十一年十月間命以親王世襲罔替因該親王再

三懇辭允俟親政之年再行辦理見在皇帝大婚禮成親政伊邇  
著卽加恩以親王世襲罔替醇郡王著晉封親王伊子貼黃著賞  
給頭品頂帶孚郡王著賞加親王銜惠郡王奕詳著賞加親王銜  
郡王銜貝勒載治著賞食郡王俸奉恩鎮國公奕謨著賞加貝子  
銜禮親王世鐸睿親王德長肅親王隆勳均著賞穿四團正龍補  
服鄭親王慶至豫親王本格怡親王載敦克勤郡王晉祺順承郡  
王慶恩均著賞戴三眼花翎莊親王奕仁之子載勳著賞給委散  
秩大臣御前大臣上學習行走貝勒奕劻著賞加郡王銜補授御  
前大臣貝勒載漪載澂載瀅均著賞食貝勒全俸貝子載容著賞  
加貝勒銜奉恩鎮國公奕湘奕梁均著賞加貝子銜定郡王溥煦  
貝勒奕綱貝子綿勳奉恩鎮國公載銅載遷溥芸溥琳榮毓桂豐  
奉恩輔國公載岱榮頤續銘載燦裕恪載甯純堪端秀均著賞加

二級御前大臣伯彥訥謨祜之子貝勒那爾蘇著加恩在御前行走景壽之子志勳著加恩賞給六部員外郎俟及歲時分部行走軍機大臣大學士文祥著在紫禁城內乘坐二人肩輿太子少保銜尙書寶鋆著賞加太子太保銜尙書沈桂芬李鴻藻均著賞加太子少保銜以示行慶推恩之至意○永定河漫口合龍○辛丑欽奉 慈安皇太后 慈禧皇太后懿旨前因皇帝沖齡踐阼時事多艱諸王大臣等不能無所稟承姑允廷臣垂簾之請權宜辦理皇帝典學有成當春秋鼎盛之時正宜親總萬幾與中外臣工共求治理宏濟艱難以仰副 文宗顯皇帝付託之重著欽天監於明年正月內選擇吉期舉行皇帝親政典禮一切應行事宜及應復舊制之處著軍機大臣大學士會同六部九卿敬謹妥議具奏○奉 懿旨本日已降旨令欽天監於明年正月內擇吉舉行

皇帝親政典禮因念 壇 廟大祀典則崇隆皇帝尤應躬親致

祭以嚴對越而昭敬誠著自本年冬至大祀 圓丘爲始皇帝親

詣行禮所有一切應辦事宜著各該衙門敬謹豫備○諭軍機大

臣等曹克忠奏甘省潰勇見已悉數收撫一摺據稱潰勇由隴州

繞越汧陽之草碧鎮勢極剽疾經該提督派令各營分路堵遏自

率親兵從扶風岐山大道迎擊先後於鳳翔麟遊各縣境收降潰

勇七百餘名全數撫定解回乾州軍營甘省被擄難民隨時解散

鳳翔地方照常安堵等語此項潰勇皆係久經行陣何以忽思變

計曹克忠旣已撫定務須妥爲鈴束毋令故智復萌又貽後患至

邵亨豫前奏裹脅不下二三千人此次曹克忠則稱收降七百餘

名全數撫定是否收撫之外另有東竄股匪抑裹脅之眾悉已解

散著穆圖善邵亨豫曹克忠恪遵前旨確切查明據實具奏河州



回眾見在情形若何左宗棠務當密爲防範毋令降眾再有反覆致隳前功楊世俊所部馬隊巴何潰走該參將有無激變情事並著該督確查具奏毋稍徇飾將此由五百里諭知左宗棠穆圖善邵亨豫並傳諭曹克忠知之○諭景廉奏回目遞稟投誠設法籌辦一摺回目馬明等遞稟投誠據稱權與安集延說和以待外援懇請發兵馳救其言雖未可深信亦應設法羈縻景廉擬俟該回將家屬送至濟木薩卽檄調冷學功等營赴古牧地幫同馬明駐守藉作官軍屏蔽自是權宜辦法仍著景廉隨時體察情形相機籌辦毋爲該回所紿俄人差人時至精河一帶要挾該處戶民又有東取瑪納斯之說景廉兵力單薄未能剋期進取成祿奉命出關爲日已久既不統兵西進又不將景廉所調吉林黑龍江馬隊及李天和所部飭令西行觀望徘徊擁兵自衛實屬貽誤事機著

卽懷遵前旨先將吉林黑龍江馬隊及李天和營勇檄赴景廉軍營以厚兵力不許藉詞延宕並將吉林黑龍江馬隊及李天和營勇先後拔隊日期迅速奏聞景廉當一面籌畫進兵爲規復烏垣之計伊犁情形如此左宗棠當顧全大局將出關馬步各隊糧餉隨時源源籌濟並嚴飭經過地方官妥爲照料俾利師行毋得稍分畛域至安敦玉地方關繫軍行後路必須有兵填紮方免空虛曹克忠見紮陝境徐占彪在肅州攻勦正當喫緊未必有兵可撥該處係左宗棠轄境應如何撥兵前往駐紮之處著該大臣妥爲調度務臻周密景廉另片奏擬在察哈爾設立轉運糧臺請派徐樹銘督辦等語景廉在察哈爾設立糧臺一切督催轉運事宜卽著額勒和布景瑞派員經理以專責成所請令徐樹銘前往督辦之處著毋庸議又另片奏請撥天津洋槍等語已諭令李鴻章照

數採買卽著景廉派員赴直領取以資應用將此由六百里各諭令知之○以大婚禮成予內廷行走及執事諸臣升敘蒙古王貝勒等各加銜恩賚有差○乙巳諭軍機大臣等金順奏拔隊前赴肅州暨鎮番剿賊獲勝各摺片金順見已遵旨於本月十五日陸續拔隊西行由甘涼徑向肅州刻下肅州一帶賊勢蔓延僅有徐占彪一軍在彼剿辦成祿株守高臺督率無方所部未能得力著該將軍剋期督隊西進迅赴事機毋稍延宕抵肅州後仍遵前旨卽行奏聞金順所部軍糧自應豫爲籌備以免缺乏該將軍已派員前往甘涼就地採辦著左宗棠通飭甘涼所屬地方官會同金順委員將糧石寬爲購辦以資飽騰不得稍分畛域甯夏及鎮番等處防剿事宜卽著責成張曜悉心經理其應如何派撥隊伍以顧金順運道之處著彼此商酌妥辦務臻周密至甘涼一帶時

有賊匪竄擾未可稍涉疏虞仍著金順遵照本月十八日諭旨妥籌布置以顧後路將此由五百里諭知左宗棠金順並傳諭張曜知之○丙午諭內閣彭玉麟奏傷疾未痊懇請開缺回籍一摺侍郎彭玉麟平日辦事認真勤勞夙著前於陞見時令其署理兵部右侍郎以資倚任茲據該侍郎奏稱帶兵江上十有餘年傷疾未痊仍懇回籍調理覽其情詞懇摯姑允所請彭玉麟著開署兵部右侍郎缺回籍調理新授長江水師提督李成謀初膺重任一切情形未能盡悉著該侍郎順道馳赴長江一帶督同李成謀布置周妥再行回籍嗣後每年著巡閱一次遇有應行參劾及變通之處准其專摺具奏應需辦公經費著兩江湖廣各總督籌款奏明交該侍郎支領以副朝廷慎重江防之意○己酉諭軍機大臣等李鴻章奏臬司劉盛藻到津飭卽剋期赴陝接統銘軍一摺駐陝

銘軍本令劉盛藻接統妥撤回南見在甘省撫局未定戰事方殷李鴻章因邵亨豫函商請暫畱銘軍駐防陝境係爲大局起見著卽飭令劉盛藻統帶親軍兩營赴陝接統銘軍認真整頓務令盡復舊規遇有防剿事宜卽著邵亨豫妥籌布置曹克忠著俟劉盛藻到營後交替清楚將另募親兵妥慎遣撤再行離營曹克忠交替後所有該營各事宜均由邵亨豫代爲陳奏以期迅速銘軍既緩裁撤邠乾附近足資控制穆圖善所統馬步各隊向在甘肅剿賊護運頗著戰功若移紮固原平涼一帶庶得力兵勇不至聚處一隅而於甘省聲援尤爲切近更足備豫不虞著穆圖善與邵亨豫斟酌情形妥籌辦理將此由五百里各諭令知之○諭成祿奏統帶出關一摺成祿見拔隊行抵金塔擬卽親統全隊先行出關前有旨令金順馳赴肅州業據奏報啟程不日當可抵肅著成祿

卽將所部各隊妥爲整頓暫行駐紮俟金順到時聽候諭旨成祿所部兵勇轉運糧餉最關緊要左宗棠務當顧全大局檄飭蕭宗幹等悉心照料寬爲應付不得稍分畛域聞肅州乞援西甯匪黨賊勢尙張徐占彪近日攻剿情形若何該處確實軍情著左宗棠隨時查察飭令徐占彪穩慎進剿毋爲回眾所紿成祿另片奏嗣後奏報請改由草地行走等語亦著聽候諭旨辦理將此由五百里各諭令知之○庚戌諭軍機大臣等榮全奏籌辦各務撥兵布置酌定官兵口分請飭部豫撥經費並劃分新疆月餉遺失軍火請飭查究各摺片據稱伊犁俄人見無動靜塔城俄兵亦已退回該國界內惟察罕鄂博附近有俄營駐紮盤詰東來官兵並有俄人往來沙山子窺伺及駐隊晶河等語榮全擬將伊犁來營人眾酌量畱營以期積久成軍並令筆帖式瑞福駐紮博勒塔拉偵探

情形招撫纏頭漢回所籌尙妥著榮全隨時酌度辦理聯絡人心  
藉資臂助瑪納斯回人到沙山子納款旣稱情願投誠繼又稱不  
敢投出情詞眞僞殊未可定榮全見派英廉納蘇肯等管帶馬隊  
二百五十名前赴庫爾喀喇烏蘇一帶屯紮該處爲晶河瑪納斯  
兩處居中要地官軍駐紮自得控制之勢惟兵力尙嫌單薄該處  
民團旣可就近招募較之徵調客兵尤爲便捷著榮全飭令酌募  
精壯勇丁若干名訓練成軍協同防守塔城畱兵無多榮全前赴  
伊犁尤不能不以兵威鎮攝遠道徵調不易應否在塔爾巴哈台  
及附近各城先行招募蒙漢壯丁實力操練以資得力之處著榮  
全富和托倫布保英等會籌辦理塔城境內應設卡倫著富和按  
照定界迅籌設復榮全所奏酌定官兵口分卽著照所請支放應  
需月餉銀一萬三千兩請由神機營每按三箇月批解一次並由

神機營報銷之處著該營妥籌辦理其請飭另撥經費銀三十萬兩著戶部酌度情形或於部庫撥給或於各省指撥實在有著之款解至科布多交納以便榮全陸續提用又所請將直隸山東山西河南等省應協新疆月餉分別劃解等語著戶部酌覈辦理前由神機營撥解榮全軍營洋礮等件經榮全查驗配帶什物損失甚多並欠鉛藥一萬二千八百四十捲銅帽一萬一千五百粒實屬不成事體著額勒和布景瑞奎昌常順多布沁札木楚志剛托倫布保英一體嚴查究係何臺損壞遺失認真懲辦嗣後運解糧餉軍火等項經過各城該將軍都統大臣等務當加派弁兵小心護送以免貽誤榮全另片奏請飭撥軍械等項已諭令神機營工部如數籌撥矣將此由六百里各諭令知之○辛亥以孟冬時享

太廟

上前期親詣行禮○左宗棠奏西甯土客各回疊次求



撫各繳馬械臣均飭道員馮邦棟隨時驗收惟察所繳馬械多不適  
用馮邦棟催令悉數呈繳客回藉故遲延土回則以客回擾害  
不能不稍畱馬械準備抵禦爲詞臣飭暫緩呈繳先將存畱馬械  
造冊申賫俟客回事定再繳一面飭三品卿街道員劉錦棠提督  
何作霖等率馬步各營分起前進比劉錦棠等於七月二十及八  
月初一日等先後行次礮伯初七日各土回目續繳馬械到營馬  
疲械鈍與前無異仍具結稱限半月內全繳並允辦軍糧惟求官  
軍緩進蓋以西甯收穫之期約在九月初旬也劉錦棠以同情多  
詐收穫後恐彼飽我飢辦理費手又慮地氣早寒一經凝凍則營  
壘均難修築遂出示曉諭土回安堵無恐以便直擣陝回巢穴畱  
直隸州知州龍錫慶所部綏定營紮七里鋪親率馬步進紮平戎  
驛該處地勢平闊逼近陝回所踞之大小南川並分兵聯紮馬營

灣及三十里鋪踞西甯府城三十里與小峽口毗連察看沿途土  
回堡寨僅畱壯丁待收穫餘均潛逃劉錦棠謂其有異飭所部勿  
犯秋毫致有藉口初十日提督余虎恩率隊入觀音堂溝放水土  
回開槍抗拒傷勇丁二名十一日劉錦棠率馬隊至峽口周覽地  
勢突見堡中出馬步百餘施放槍礮弁勇受傷者三名官軍舉槍  
還擊斃賊數名賊遁十二日馬營灣各營瞥見馬步賊千餘由山  
頂繞至檢柴溝劉錦棠當飭提督譚上連遊擊董福祥都司張俊  
李雙良等由左路登山邀擊提督陶生林遊擊熊隆名率馬隊沿  
溝列陣山險路窄該逆排列峯巔恃險穩拒劉錦棠揮軍分隊上  
山立斃悍賊數名該逆滾溝而遁掩殺三四十名生擒一名追及  
紅水溝而返是日另有馬步悍賊二千餘名由府城而來竟奔峽  
口撲近三十里鋪營盤湟河北岸有賊數百隔河吶喊助勢何作

霖因修壘未成僅調洋礮隊出伏破屋及山溝內向賊轟擊該逆見大隊未出又恃紅水溝之賊已繞及後路遂愈撲愈近何作霖俟其攻撲逾時氣已衰竭整隊猛出擊之該逆驚潰追斬數十名生擒四名追踰山原數重始行收隊訊據擒賊供稱紅水溝之賊係白彥虎馬鎮國畢大才等逆峽口一帶之賊係禹得彥崔三等逆內均雜有西甯土回劉錦棠計該逆既糾股出敵決不遽回老巢豫飭余虎恩等分伏馬營灣各山岔復飭提督譚和義蘇大勝及熊隆名等由馬營灣渡湟擊峽口北山之賊又調陶生林李雙夏張俊等赴三十里鋪助剿十三日該逆果率大股三四千分布峽口南北兩山馬賊繞至峽東各營仍照常築壘陶生林等先後齊集遂飭何作霖等衝撲峽口張俊李雙夏等分起仰攻南山陶生林由山溝鈔賊後該逆已先於夜間在峽口砌石卡二座憑卡

放槍南山之賊亦憑險死拒槍礮如雨血戰逾兩時譚和義等已渡湟馳上北山立將山頂踞逆擊散斬馘二十餘名徑趨峽口以西陶生林亦從溝內鈔出南山之南賊乃大潰何作霖乘勝衝入峽口攻破石卡卡賊數百殲斬及自盡無一脫者生擒禹逆所部頭目李金良是日有馬步賊數百由紅水溝迤邐而出遇伏驚竄余虎恩等分路追斬亦多十四日馬賊百餘遁馬營灣山溝出竄提督譚慎典追斬數名十五日有馬步賊在小峽口山頭吶喊何作霖等調洋礮隊仰轟之賊遁十六日零賊數百由巴藏溝出提督羅照陞擊走之十七日諜稱平戎西高疆溝口卓子山有賊乘夜修壘並有大股賊在溝屯聚當率馬步馳抵高疆遙見山巔堅壘已成溝內有土回空堡五座仍爲賊踞各山頭賊騎林立眾約五六千當飭陶生林余虎恩等由左路入溝擊踞堡之賊飭譚和

義等由中路登山攻賊壘熊隆名李雙良由右路擊各山援賊弁  
勇奮躍直前賊憑堡穩拒山上之賊復併力下援陶生林熊隆名  
等揮軍合擊鏖戰逾時斃悍賊無數山上賊先潰堡中各賊亦奪  
門逃竄踞壘之賊遂齊隊衝出譚和義等截之復縮退入壘各路  
敗賊又腐聚回援陶生林譚上連等分路堵擊自辰至酉賊始敗  
奔各營會攻山壘壘賊槍石併發急攻不下時已昏暮劉錦棠督  
軍露宿環攻五鼓時霜風凜冽該逆趁月光陰翳由壘西峻壁滾  
身潛遁追斬數十名其墜折手足及自盡與受傷者甚眾是日另  
股賊約數千出峽口攻何作霖營盤何作霖及提督尹興茂席大  
成等力戰卻之十八日騎賊二三百渡湟擾馬營一帶經何作霖  
擊退十九日飭李雙良分哨紮平戎以西大股賊仍由高疆溝口  
而出劉錦棠揮軍分三路進擊賊知不敵仍退縮入溝追斬數名

賊且戰且退官軍結方陣追之直擣高家堡高家堡卽逆首白彥  
虎行巢也白逆喉眾返鬪官軍如牆而進刀砍矛刺殲悍賊五百  
餘名賊棄巢狂奔官軍焚其巢而返是日有步賊二千餘出峽口  
撲攻何作霖營壘復有騎賊由北岸渡湟鈔出壘後勢甚兇悍何  
作霖堅守不出及午賊氣已衰官軍開壁齊出尹興茂扼其前何  
作霖及席大成繞壘後包鈔又分哨先堵渡口馬賊倉猝搶渡中  
流沈溺數十名渡河不及者悉被截殺壘前之賊亦負創而遁二  
十一日劉錦棠督軍在馬營修壘聞峽口礮聲又見馬賊數百已  
由何作霖壘徑繞至上紅莊一帶密飭陶生林等率馬隊分伏廢  
堡步隊修築如常馬賊逼近新營見僅祇步隊修築營盤遂放膽  
進撲忽陶生林等馬隊由廢堡躍出步隊合力夾攻該逆奔逃不  
及立斬多名其屍水淹沒者不計其數落後者悉數擒獲劉錦棠

分兵扼河親率熊隆名董福祥等馳赴峽口何作霖等鏖戰已久見援兵大至奮威猛撲各營繼之賊乃大敗山頂尙有賊數百放槍抵拒熊隆名等下馬步戰斬賊遂多餘逆滾溝而遁是日白彥虎率騎賊出高疆溝撲分哨之壘李雙良憑牆力禦槍斃悍逆多名余虎恩聞警赴援賊敗退計自進紮以來無日不戰其中苦戰如十七十九二十一二十三等日尤於至險之中克獲奇捷計先後斬賊生擒實千數百名溺斃受傷者不知其數十九日高疆溝之戰斃斃紅衣賊目據擒賊供稱卽首逆白彥虎夥內總目馬大賊中所推六元帥兇悍最著者也此外陣斃紅衣悍目尙多其名姓不可得詳二十三日之戰首逆禹得彥聞亦帶傷自此兇骸亦當稍減惟劉錦棠所部除畱駐靈州金積堡一帶僅馬步十四營臣分隸以龍錫慶步隊兩營熊隆名陶生林馬隊兩營尙止馬步

十八營而自碾伯紮至小峽口計程八十餘里山路歧雜見在土  
回與客回聯成一片每戰則彌山寨谷四出繞我殊有應接不暇  
之勢又所需軍糧子藥運至前敵各營均須派隊往來護送時有  
戰事兵力屢分而見單幸官軍皆百戰之餘劉錦棠又敏銳善戰  
故能履險如夷臣見擬調提督劉明燈率馬步六營駐碾伯之西  
南專司護運俾得一意進取毋憂後顧如兵力足敷則繞由威遠  
鎮出奇兵卽轉其糧以餉軍尤爲全算臣自當慎以圖之又奏正  
拜摺聞適接劉錦棠稟報八月二十四至九月初四日剿賊連獲  
大勝先後斃賊共二千餘名二十七日礮子洞穿首逆白彥虎左  
乳當經逆眾搶回南川賊巢二十九日首逆馬桂源之弟馬眞源  
在小峽力抗官軍亦被礮子洞中右肋其撒拉五工助逆回目多  
拜已經官軍陣斬撒拉逆回亦遁回五工據生擒西甯逆目馬仲



供如此並探得九月初六日劉錦棠已踏破觀音堂一帶賊壘機勢甚利所有詳細情形容俟查明續報又奏肅城外土地沃衍又值雨澤優霑禾稼豐茂徐占彪調團民收拔以官兵護之計旬日閒得糧數千石初十日城逆馬七馬得鎮等款營乞撫徐占彪知其爲緩攻計也姑漫應之密覘該逆數百成羣日夜收糧割草往來不息十九日率馬步繞城巡視瞥見南城外劉家空堡二座又有賊據約千餘又朱家堡北舊墩三座亦各踞賊百餘見官軍至卽施放槍礮官軍掩殺堡外零賊十餘名餘仍縮退二十日率各營分攻三墩城逆以二千餘援前墩提督陳春萬擊卻之回軍圍攻賊已棄墩而逸有另股援中後二墩總兵黃祖福等禦之徐占彪揮親兵攻中墩破之守備孫三級躍上牆垣手刃千長楊逆及悍黨十餘名身受七傷力竭而殞是夜千總藍明泰襲破後墩守

供如此並探得九月初六日劉錦棠已踏破觀音堂一帶賊壘機勢甚利所有詳細情形容俟查明續報又奏肅城外土地沃衍又值雨澤優霑禾稼豐茂徐占彪調團民收拔以官兵護之計旬日閒得糧數千石初十日城逆馬七馬得鎮等款營乞撫徐占彪知其爲緩攻計也姑漫應之密覘該逆數百成羣日夜收糧割草往來不息十九日率馬步繞城巡視瞥見南城外劉家空堡二座又有賊據約千餘又朱家堡北舊墩三座亦各踞賊百餘見官軍至卽施放槍礮官軍掩殺堡外零賊十餘名餘仍縮退二十日率各營分攻三墩城逆以二千餘援前墩提督陳春萬擊卻之回軍圍攻賊已棄墩而逸有另股援中後二墩總兵黃祖福等禦之徐占彪揮親兵攻中墩破之守備孫三級躍上牆垣手刃千長楊逆及悍黨十餘名身受七傷力竭而殞是夜千總藍明泰襲破後墩守

賊鮮有脫者二十一日遊擊徐春先等夜攻劉家堡出賊不意以火器拋入賊奪門而走官軍伏暗中擊以槍礮轟斃甚多二堡既克官軍卽填紮之二十二日陝回王萬有等以城逆發糧日減且與歸化營回勇半屬親故遂以二百餘騎至歸化營請降願剿賊自贖徐占彪允之委歸化營營官千總藍明泰管帶合紮二十四日城逆數百自北門出飭各馬隊追擊之斬賊多名擒八名新收回勇接戰尤力傷亡亦數名月杪秋糧繼熟賊每乘夜潛出收穫遂派正新後兩路分哨紮城西大路三十日徐占彪率隊赴塔爾灣一帶搜剿行次黃草壩見賊約四五百名正在搶穫揮軍擊之斃賊數十名生擒八名奪其牲畜糧束餘逆狂竄回城再抵塔爾灣又遇收糧賊三百餘載糧回城見兵而潰擊殺數十名生擒二名餘逆亦盡棄牲畜逃匿空堡八月初一日分所部馬步一營爲

兩營環城聯紮距城僅一里半里不等各相閒里許自城西迤邐而西又繞城東迄北城角僅餘北門一面未克合圍正修壘閒城逆由南門出賊千餘西衝新左新中等營東門亦出賊千餘撲歸化等營當飛飭附營馬步左右鈔之兩路之賊均敗伏濠沿以蔽槍礮城上開槍礮助拒徐占彪調副將蕭蘭玉赴正營守備李道修赴左營以開花礮對城轟擊子落城內極多人聲鼎沸又密調劈山礮隊排指東南兩門一面傳令各營收隊伏濠之賊見官軍收隊急趨入城官軍劈山礮隊一齊轟發賊應聲而倒競奪門入自相蹂踐屍骸枕藉初二日辰刻悍賊三四千出北門圍攻歸化兩營甚急徐占彪飭馬隊繞後擊之抽正副新後各營截其歸路餘營排列東南城下賊正與歸化兩營相持馬隊馳至兩面夾擊遂敗退城下而歸路又爲官軍鈔截不能收避濠中途折向東路

鼠竄而遁各營排礮轟擊槍子兩注斃賊約數百名其分匿東南濠沿者開槍外拒城上亦開礮助之對轟竟日始收隊初三日馬賊二名遞呈乞撫北門旋出賊六七百循城東下希圖收屍當派總兵齊懷松等截其後賊抵死鏖戰馬隊亦從旁鈔至殲賊甚多餘賊伏匿濠中官軍撤隊始遁竄回城初四日大股賊出北門分爲四股每股約千餘人一循濠而東至副營前排偪濠沿一圍攻歸化右營一由四壩北面繞出歸化營後一列隊城東北徐占彪當飭徐春先禦副營前之賊飭陳春萬黃祖福由四壩攻賊後飭總兵陳登雲出四壩以東鈔之馬隊往來爲援副營前之賊拚死猛撲不少卻徐占彪親率馬隊由左路橫衝賊隊徐春先亦由右路截之斃悍逆數十名賊始退紮北城角與列隊城下之賊合爲一起李道修以開花礮向賊擊之垛口應聲轟裂甄石飛擲城下

賊受傷甚多悉奔匿城濠徐占彪折馳四壩陳春萬正與賊戰賊伏溝坎槍礮不能及城上護以槍礮勢難偏攻飭蕭蘭玉以開花礮轟其城樓擊塌樓檐一角傷賊多名伏溝之賊亦驚起向四壩奔逸其圍攻歸化營之賊填壕攀堞偏攻甚猛徐春先等援之賊分隊抵禦千總郭三起怒馬砍陣直擣中堅馬隊相繼衝入藍明泰亦開壁夾攻斃賊百餘名餘賊敗奔北門惟四壩潰賊未及入城城中馬賊五六百由北巖頭迎護陳春萬黃祖福率師邀擊殲賊百餘初五日飭副將桂錫楨移紮北巖頭斷其出路收糧之賊千餘未能入城者均西竄出關據逃出難民供稱連日之戰賊中傷亡千萬長十五名阿渾三名臣維肅州回逆恃其濠深城堅槍礮層疊爲負隅久抗之計見將城外新麥刈穫過半賊中糧食無多援賊無裹糧趨赴之理是不擊援賊而援賊自絕也如此時有

勁旅十數營布紫北門一面多異攻具晝夜轟之堅城計可速拔  
惟兵力未能遽合長圍慮賊鋌走出關又成不了之局見在秋令  
已深計逾九月則冰雪凝沍不能遁出關外屆時自當察看情形  
妥籌辦理又奏臣自移駐省城後與穆圖善商議軍務一面籌議  
募補標營兵丁精心訓練以實行伍爲異時撤減客軍弁勇之計  
其時並不知穆圖善有赴陝之命嗣奉到諭旨與穆圖善悉心商  
議穆圖善擬以所部除附省及分駐金縣之河鎮營步隊二千一  
百餘名駐平番縣之南字營八百人馬隊一百騎畱於甘肅其由  
省城北三十里火燒巖至土門止共四百七十五里穆圖善分紮  
馬步八營原以保秦王川糧源護運道而通涼甘兩部及肅州關  
外文報之路最爲衝要議候臣調營分起填紮乃可拔隊東行臣  
比以甘南一路漸就安謐統領奇捷營降補參將楊世俊所部馬

隊四營步隊兩營尙堪調撥當飭楊世俊迅帶青旗馬隊一營及捷勇步隊兩營由狄道沙泥赴省其分紮各處之紅旗白旗藍旗馬隊各營先後調至馬營監取齊由安定赴省八月十八日楊世俊到省正商令前進填紮聞忽接安定防營前路統領記名提督劉端冕飛稟紅白藍各營馬隊行至馬營監次早開拔忽鼓譟夥潰倡逃各犯持刀斷路迫眾東行營哨各官倉卒訶禁不止馬勇有抵格受傷者有隨同奔竄者比經派隊馳往接護未潰隊伍一面追截潰卒楊世俊聞報卽請前往撫諭臣飭就便將未潰隊伍交原帶營哨各官帶赴蘭州點驗共計三百七十六騎失馬勇丁五十餘名據總兵楊德俊等稟報倡潰弁丁係五隊領旗把總王錦如三隊領旗守備路鍾字紅旗右哨哨長遊擊銜都司呂長樂後哨哨長把總張志才都司馮高山白旗副哨哨長把總楊富貴



藍旗千總王士清前哨領旗勇目邱盛懷皆江皖人揚言餉項積欠將一年西北苦寒不慣受各脅其眾倉皇奔潰計同潰者三百九十六名馬四百三十餘匹臣比飛咨陝西撫臣邵亨豫提督李輝武曹克忠飭陝邊各營扼截要隘一面飭秦州清水各防營准備迎剿一面調提督蘇家良帶所部馬隊兩營總兵李國良步隊一營由狄道起伏羌進剿時潰卒已由馬營監出通渭過伏羌趨禮縣迫脅駐紮長道鎮之副白旗馬隊副白旗總哨遊擊張成倫力戰遇害潰勇仍脅其眾南趨甫抵伏羌適蘇家良帶隊馳至殺潰卒三十餘名倉卒閒悞殺楊世俊所遣招諭之將弁數名潰卒卽夜遁秦州又自秦州遁清水經關山圍眾邀截亦斃潰卒數名楊世俊馳至收回被脅之副白旗弁丁一百四十騎各營被裹勇丁亦有騎馬隨同衝出者僉稱起意潰走者實止百餘人多江皖

籍此外二百餘名無不急思自拔惟被王錦如等防制不能驟脫楊世俊卽帶數騎馳往招之甫近白沙堡團眾疑爲潰卒後隊阻截不前次日復往則潰卒已竄隴州長溝旋由汧陽草碧溝分起狂竄一竄鳳翔一竄靈臺界崔木鎮追軍已相隔一日程矣幸曹克忠督飭所部馬步各營由乾邠分道截擊其自鳳翔竄出者投於總兵徐邦道其自崔木鎮竄出者投於遊擊潘萬才而潰卒已悉數收輯盡矣據各處稟報所收潰卒共六百餘人蓋併沿途裹脅之數而言也臣飭楊世俊及蘇家良魏光燾各率追師回防俟事定徐議所以處之者有此一變而調防填紮北山之局不能急辦穆圖善有緘催促臣媿無以應也伏思臣所部各軍自平涼以西分紮至蘭州東關坡計程七百餘里自平涼以北分紮至環縣花馬池以及甯靈中衛又自中衛西南分紮靖遠與安定皋蘭交

界之處計程委折近二千里其甘南鞏秦階一道多從前驛軍以無餉不能多撤亦須臣所部點綴相與維持計程縱橫近千里其河州新定之區又須分部各軍聯絡其閒以資控制前派攻剿肅州共馬步十二營近撥攻剿西甯馬步十八營屢據徐占彪劉錦棠稟求濟師臣亦無以應甘肅地居荒遠舊爲漢回雜處之地西與番族接壤而居變亂之後尤須兵力鎮壓免敗戎心兵勇移調爲艱深虞顧此失彼臣早慮兵單顧未敢以增兵上瀆宸聰者協餉已欠至千數百萬催呼莫應也地廣人荒產糧不多採買無出也山谷層疊專恃陸運陸運專恃車馱亂離之後驟馬凋耗接濟孔艱也頻年憂煩萬狀拮据不遑非但不敢增兵並恐兵增而先以速潰者以此茲幸人民漸集耕墾漸多各軍所駐之處多已開屯又仰蒙朝廷福庇歲事稍豐軍糧可免支絀轉運勞費亦資

節縮自宜增調勁旅以速戡定之功竊見湖南提督宋慶所部駐神木一帶見在甯夏安謐邊外草地實無巨寇往來且纏金有金運昌一軍駐紮足資屏蔽若調其赴甘助剿於安定無所損而於微臣則大有益宋慶廉樸勇敢尤得軍心昔年于役畿輔臣與同事最稱相得嗣臣遵旨撥交李鴻章節制調遣彼此仍契洽無閒也度隴以來宋慶關念大局歲時遣人遠來問勞兼察軍情其於公義私情惓惓不已如此如蒙聖慈飭令赴甘度不憚於西行合無仰懇天恩飭下綏遠城將軍定安迅令宋慶統帶全軍來甘助剿以速戡定出自聖裁至宋慶赴甘應由榆林綏德一帶至鄜州合水慶陽涇州平涼以抵蘭州如蒙俯允所請臣自當飭沿途各局豫辦糧料草束以遄其行不至停待至該軍餉銀本由河南解濟並懇飭下河南撫臣源源批解俾毋缺乏庶師行糧隨

於事更期有濟又奏廣東提督張曜見駐甯夏分營駐鎮番防剿威名素著馭軍嚴明河西之民畏而懷之前此曾接其來檄甯夏無事如須兵力助剿亦不辭勞臣以甯夏要區屏蔽最遠未敢冒昧陳奏見在甯夏防務已鬆鎮番又有金順派營進紮是分防鎮番之營可以抽回可否飭下張曜分營駐靈州花馬池一帶以便替出提督譚拔萃所帶老湘步隊三營馬隊一營前赴西甯隨同劉錦棠攻剿以期得力又奏署西甯府知府馬桂源本循化回民捐納候選同知前任西甯辦事大臣玉通在事時力持撫局先委馬桂源署循化同知同治八年又咨穆圖善委馬桂源署西甯府知府以本地回人署理地方篆務又以馬桂源之兄馬本源署鎮標遊擊代辦西甯鎮篆務臣前此所以有西甯名存實亡之奏也竊維西甯卽古湟中地屬荒服漢民與番回雜錯而居自陝回肇

於事更期有濟又奏廣東提督張曜見駐甯夏分營駐鎮番防勤  
成名素著馭軍嚴明河西之民畏而懷之前此曾接其來牒甯夏  
無事如須兵力助剿亦不辭勞臣以甯夏要區屏蔽最遠未敢冒  
昧陳奏見在甯夏防務已鬆鎮番又有金順派營進紮是分防鎮  
番之營可以抽回可否飭下張曜分營駐靈州花馬池一帶以便  
替出提督譚拔萃所帶老湘步隊三營馬隊一營前赴西甯隨同  
劉錦棠攻剿以期得力又奏署西甯府知府馬桂源本循化回民  
捐納候選同知前任西甯辦事大臣玉通在事時力持撫局先委  
馬桂源署循化同知同治八年又咨穆圖善委馬桂源署西甯府  
知府以本地回人署理地方篆務又以馬桂源之兄馬本源署鎮  
標遊擊代辦西甯鎮篆務臣前此所以有西甯名存實亡之奏也  
竊維西甯卽古湟中地屬荒服漢民與番回雜錯而居自陝回肇

衅以來西甯卽藉辦教爲名乘機煽變玉通力不能制則抑漢以從回冀圖旦夕無事其時回目馬尒三狡黠異常旣以撫局愚官復挾官以鈐制漢民凌虐殘殺無所不至漢民競訴於玉通玉通無如之何臣度隴後屢據西甯各屬丹噶爾士民來營泣訴冤苦比以兵力遽難分布飭暫爲隱忍聽候籌辦旋據西甯鎮黃武賢稟首逆馬尒三已伏冥誅西甯回目係馬永福接充馬永福在湟回中尙稱謹愿見官軍進勦河州懼其波及具稟乞撫適河回馬占鼂亦央馬桂源乞撫馬桂源赴臣安定行營具稟臣與穆圖善豫師會議十二條出示曉諭令其遵照一面派道員馮邦棟赴碾伯察看情形妥爲籌辦馮邦棟到碾先後收繳馬械千餘拔出陝回男婦千餘口分起安插化平川及大岔溝等處其西甯各土回延不呈繳詰其故則稱陝回白彥虎禹得彥崔三等踞大小南川

衅以來西甯卽藉辦教爲名乘機煽變玉通力不能制則抑漢以從回冀圖旦夕無事其時回目馬尒三狡黠異常旣以撫局愚官復挾官以鈐制漢民凌虐殘殺無所不至漢民競訴於玉通玉通無如之何臣度隴後屢據西甯各屬丹噶爾士民來營泣訴冤苦比以兵力遽難分布飭暫爲隱忍聽候籌辦旋據西甯鎮黃武賢稟首逆馬尒三已伏冥誅西甯回目係馬永福接充馬永福在湟回中尙稱謹愿見官軍進勦河州懼其波及具稟乞撫適河回馬占鼂亦央馬桂源乞撫馬桂源赴臣安定行營具稟臣與穆圖善豫師會議十二條出示曉諭令其遵照一面派道員馮邦棟赴碾伯察看情形妥爲籌辦馮邦棟到碾先後收繳馬械千餘拔出陝回男婦千餘口分起安插化平川及大岔溝等處其西甯各土回延不呈繳詰其故則稱陝回白彥虎禹得彥崔三等踞大小南川



四出擾害須暫畱馬械以備不虞並請驅逐陝回以安湟境臣固料其心懷叵測然其時奸謀未露若持之過急必以官兵激變爲詞迫脅其眾致起事端遂飭提督何作霖帶馬步八營先赴碾伯聲言進剿陝回飭劉錦棠率馬步十營繼之劉錦棠至碾伯曉諭官軍進剿大小南川在此路過土回毋庸驚恐比抵大峽口修壘則土回已與陝回合股抗拒矣據撫回閭興春等探報馬桂源八月初十日在西甯府東關私宅密約禹得彥白彥虎崔三等共議抗拒官軍一面調集各土回助逆黃武賢在威遠堡擒獲生賊供亦相同並稱馬本源自稱統領陝湟兵馬大元帥馬桂源仍稱西甯知府在關外調集土回帶城中回兵回民以出馬桂源出城兩日不返凡西甯城內避難漢民習知其詐乘機閉城拒守請西甯道郭襄之及縣令主辦城防不准馬桂源等入城見查城中回民

不過數十戶又皆老弱內變無虞馬永福亦在城中惟其子馬三娃本回教海裏飛四出勾煽馬永福不能制見亦不令入城也回性多疑善詐非復尋常賊情可比辦回不外勦撫兼施卽勦撫而言其輕重緩急隨時隨事應之未可稍涉拘執操縱之機異於髮逆擒逆及各處土回者以此揣度賊始暗結陝回以拒官軍近因陝回屢經痛創又將誘罪陝回以求苟免據陳湜河州來稟馬桂源又自西甯遞呈哀懇設法拯救亦微言府城官民不肯納已情事臣比飭劉錦棠相機辦理固無所容其遷就亦不必明正其罪遽絕其倖生之心又奏奇營馬隊之潰實由憚於西行若輩多出自降擒強悍而不耐勞苦乃其本性所稱欠餉將近一年雖非虛誣卻較之臣部各營積欠一年零三四箇月者猶爲優矣胡獨該潰卒以此藉口至統領降補參將楊世俊平日待將弁勇丁頗

有恩誼人素廉勤該潰卒無從肆其謗欲且楊世俊自帶青旗馬隊一營及步隊兩營均已安靜抵省各起潰卒各由駐營之地分道赴省先時不及詳悉開導致有此變嗣馳赴前途亦收輯副白旗一營雖所部潰走難辭咎責而情實可原合無仰懇 天恩免

其置議

微臣

忝領兵符平時未能曉以大義偶爾餉缺遂致紛紛

潰逃又旬日三次檄催未及詳察軍情遽加督責亦屬思慮不周疏誤之咎實無可辭應請旨交部議處以昭軍律 上諭軍機大臣等西甯回匪始以乞撫爲緩兵之計旋結陝回抗拒官軍經劉錦棠等督軍進剿疊挫兇鋒惟逆首白彥虎等皆積年悍賊詭譎多端必須厚集兵力方能制其死命著左宗棠一面飭令劉錦棠等實力進剿一面添派勁旅繼進以期早日戡功西甯城內漢民閉門防守亦當設法援應內外聯絡俾免疏虞馬桂源旣爲府城

官民所拒卽著令其不必入城以釋羣疑左宗棠仍當隨時察看情形相機辦理肅州官軍雖屢次攻剿獲勝而該逆負隅如故著左宗棠飭令徐占彪穩慎進攻力圖克拔並酌量添兵合圍毋任鋌走甘省被兵日久亟應速籌戡定刻下西甯肅州均須增軍攻剿省北一帶亦須派營填紮兵力不敷分布宋慶一軍素稱得力見在陝省北路邊境尙屬安謐著定安卽令該提督統帶全軍赴甘助剿該軍由榆林綏德一帶取道慶陽平涼以抵蘭州左宗棠擬飭沿途各局豫辦糧草軍行當不至遲滯宋慶接奉諭旨卽著剋期拔隊啟程迅赴戎機本日並已諭錢鼎銘將該軍月餉源源接濟矣神木一帶如尙須派兵填紮卽著定安酌度布置左宗棠見擬將譚拔萃所部官軍調赴西甯所有靈州花馬池一帶卽著張曜就近分營駐紮以資穩固穆圖善仍當飭令駐紮甘省城北

之馬步各隊照舊駐紮認真防剿毋遽裁撤楊世俊所部勇丁潰散情尙可原著免其置議左宗棠自請議處並著加恩寬免將此由六百里諭知左宗棠穆圖善定安並傳諭張曜宋慶知之○是月減免兩浙浦東等三場歉收上年竈課蠲緩山西祁縣被水本年額賦並賑一月口糧

冬十月壬子朔欽奉 慈安皇太后 慈禧皇太后懿旨欽天監

奏遵旨選擇吉期一摺皇帝親政典禮著於明年正月二十六日舉行所有應行事宜著各該衙門敬謹豫備○命佛爾國春來京賞嚴樹森四品頂帶署廣西按察使

已革貴州布政使

○乙卯欽奉 慈

安皇太后 慈禧皇太后懿旨皇后之母家著擡入鑲黃旗滿洲○諭軍機大臣等張曜奏官軍剿辦鎮番等處賊匪疊獲勝仗並鐵除南路竄賊一摺甯夏沿邊及阿拉善旗一帶時有竄匪滋擾

總經剿辦獲勝仍著該提督派兵接剿淨絕根株金順見已拔隊赴肅卽著懷遠疊次諭旨迅速前進其後路轉運事宜由甯夏至鎮番經過蒙地七百餘里地段甚長著張曜督飭將弁隨時梭巡遇有該營糧餉軍火一切過境卽行妥爲護送以利進行鎮番一帶防剿事宜該提督尤當布置周密至靈州花馬池一帶並著遵奉前旨揀派得力弁勇前往接防均毋疏懈將此由五百里諭知金順並傳諭張曜知之○予貴州殉難知府李保衡祭葬世職建祠○命於安定等六門外設廠煮賑○丙辰諭軍機大臣等左宗棠穆圖善奏馬步官兵剿賊獲勝一摺西路賊匪於七月間分股竄擾經馬隊各軍於野狐子溝等處截剿獲勝斃賊多名其王家坪竄賊亦經馬步各隊追剿賊匪敗遁仍著左宗棠穆圖善督飭各營認真探剿毋稍懈弛前因甘省防剿緊要穆圖善所部駐紮

北山之馬隊六起步隊四營已諭該將軍飭令仍紮原處勿遽撤

動銘軍見緩裁撤穆圖善應否移紮甘肅平涼固原一帶之處仍

著該將軍懷遵前旨與邵亨豫妥商辦理將此由五百里各諭令

知之○安徽布政使吳坤修卒予祭葬卹廕○以裕祿爲安徽布

政使孫衣言爲安徽按察使

由江蘇鹽巡道遷

○賞五城貧民棉衣銀○

賞通州王恕園等處賑米六百石○撫恤奉天錦州被水災民○

己未恭上 慈安皇太后徽號曰 慈安端裕皇太后 慈禧皇

太后曰 慈禧端佑皇太后○御慈甯宮 上率諸王大臣行慶

賀禮○庚申以恭上 慈安端裕皇太后 慈禧端佑皇太后徽

號禮成 上御太和殿王以下文武官員暨外藩使臣行慶賀禮

頒詔中外覃恩有差○癸亥賞八旗暨步軍綠營兵丁一月錢糧

○甲子諭文麟景廉迅勒哈密竄匪○戊辰諭軍機大臣等劉長

佑馮子材奏各屬剿捕匪徒情形暨整頓沿邊關隘各摺片廣西  
各屬伏莽甚多見經劉長佑等分派兵勇會同地方官偵探搜捕  
將隆安匪首盧成茂岑溪匪首陳經謨永甯逸匪韋之穩等及其  
黨與擒獲正法並將西隆苗匪痛加剿洗其越南州布積匪及廣  
東靈山土匪亦經官軍兜剿斬馘多名出力員弁准由劉長佑等  
查明存記彙案酌保其各處逃竄餘匪仍當飭屬一體查拏淨絕  
根株以靖地方而弭後患太鎮沿邊一帶關隘久廢不足以固邊  
防見在大軍將次入關亟應及時修補毋任荒廢劉長佑已派道  
員覃遠璉前往會同地方官周歷履勘量加修葺所籌甚是惟當  
飭令該道認真經理務臻周密應如何布置兵勇以資捍禦卽著  
覃遠璉就近幫同馮子材妥爲料理將此由五百里各諭令知之  
○予貴州陣亡提督文德盛祭葬世職建祠○庚午遣使持節冊



封赫舍哩氏爲瑜嬪阿魯特氏爲珣嬪○壬申諭各路統兵大臣  
嚴禁弁勇騷擾○予安徽殉難府經歷沈錫慶祭葬世職○予烏  
魯木齊陣亡參將王士元祭葬世職○甲戌諭軍機大臣等恩麟  
奏遵查藏界情形德泰奏巡閱邊境見籌辦理各一摺布魯克巴  
部長稟求助銀賞俸業經恩麟等檄諭開導廓爾喀人已由聶拉  
木邊界折回藏境尙屬安靖惟據德泰奏聶拉木邊外與廓爾喀  
毗連各隘口防守空虛擬於聶拉木左右各隘以至定日後藏江  
孜各汛添設番兵責成噶布倫等實力整頓等語所奏自爲慎重  
邊防起見承繼見已啟程到任後卽著該大臣等彼此妥商將所  
擬各節實力辦理所有添設番兵約二百名每月應需口分著承  
繼德泰知照達賴喇嘛轉飭協理商上事務呼圖克圖羅卜藏青  
饒汪曲妥擬章程由達賴喇嘛咨明覈辦並嚴飭羅卜藏青饒汪

曲賢噶布倫總堪布等將邊防事務認真整頓不得視爲具文其  
定日漢營防兵缺額著卽挑補足數飭令實力操防以固邊圉承  
繼未到以前仍著恩麟德泰將應辦事宜和衷商榷務臻妥善將  
此由五百里各諭令知之○乙亥諭軍機大臣等奎昌等奏賊匪  
竄擾籌辦防剿一摺甘省肅州回匪於八月間分竄出關在白托  
羅蓋及金山卡倫等處擾掠有圖撲烏科庫倫之說該逆屢竄出  
關意圖掠食此次所擾地方皆在烏城西南東南十數臺一帶計  
欲牽掣兵力乘間肆擾奎昌等見撥馬隊堵剿並飭蒙古官兵嚴  
防卽著嚴飭帶兵員弁實力截剿迅掃逆氛該匪飄忽靡常非有  
遊擊之師不足以痛殲醜類杜嘎爾卽率所部剋日起行探明賊  
蹤馳往剿辦並著托倫布保英張廷岳阿爾塔什達豫籌備禦調  
撥官兵擇要扼守遇賊卽擊毋稍大意至摺內有請領洋槍炸礮

一語並未敘明數目及由何處頒發如該城需用正殷卽著隨時  
奏聞將此由六百里各諭令知之○諭景廉奏籌辦西路軍務情  
形一摺據稱古牧地回目馬明等觀望遲疑未卽就撫安集延與  
瑪納斯回逆互攻且有北犯沙山子之信見商令錫綸前赴布倫  
托海招募民勇爲東西兩路夾擊之計等語所籌尙妥馬明等投  
誠旣不可恃仍當外示羈縻密爲防範未可草率從事致貽後患  
布倫托海地方聚集難民雖可招募成軍惟此項人眾素無紀律  
若不整肅營規勤加訓練恐難得力著錫綸馳抵該處後察看情  
形認真挑選儻能練成勁旅佐以沙山子團勇擇要扼紮相  
機進兵遙爲東路聲援勦辦自較得勢並著榮全富和於厄魯特  
十蘇木蒙古官兵內派出一千名交署領隊大臣巴彥特古斯統  
帶隨同錫綸進剿以厚兵力所有西路一切軍務著錫綸隨時咨

同景廉奏明辦理如遇緊要事件卽由錫綸自行具奏以免遲延  
景廉以哈密東山一帶見有回匪出沒意圖西竄前敵官軍尙難  
四進仍著該都統酌度情形將後路布置妥協卽行統兵前進迅  
籌攻勦榮全於伊犁近日情形曾否隨時派員確探前派英廉等  
帶隊赴庫爾喀喇烏蘇屯紮曾否到防見與景廉各營能否聲息  
相通著隨時奏聞以慰廑繫將此由六百里各諭令知之○予烏  
魯木齊陣亡遊擊張士魁祭葬世職○丙子諭內閣禮親王世鐸  
等奏請加上 徽號以光鉅典一摺朕沖齡踐阼仰賴 慈安端  
裕皇太后 慈禧端佑皇太后垂簾訓政宵旰勤勞 聖德徽音  
超邁前古茲復欽奉 慈綸命朕於明年正月親政自應謹遵順  
治八年康熙六年 成憲恭上 徽號以繼隆規迺我 慈安端  
裕皇太后 慈禧端佑皇太后謙抑爲懷未蒙 俯允經朕竭誠

顧懇始荷 聖慈俯鑒羣情勉從所請所有一切應行典禮著各

該衙門敬謹辦理○以張樹聲署兩江總督恩錫署江蘇巡撫

由布

政使署

○丁丑諭軍機大臣等曾壁光等奏督攻新城及軍中待餉

急迫情形各摺片新城賊悍巢堅屢攻未下卽著督飭各軍穩慎  
進取務將該城設法迅速攻拔毋稍鬆勁該處各營餉需久缺見  
屆冬令嚴寒該勇丁忍凍荷戈情殊可憫且圍攻新城正當喫緊  
之際儻因餉需不繼以致軍心解體則功敗垂成尤與大局有礙  
著戶部於附近貴州省分迅速指撥實在有著之款一二十萬兩  
趕緊解往其餘各省欠餉並著該部查明咨催迅解以資飽騰毋  
稍遲誤曾壁光等仍當竭力籌維拊循激勵以竟全功將此由五  
百里諭知曾壁光並傳諭周達武知之○庚辰命署兩江總督張  
樹聲兼署辦理通商事務大臣○是月蠲緩直隸趙州等六十四

州縣被水被旱被雹新舊額賦及民欠倉穀

十一月癸未諭內閣正藍旗蒙古都統靈桂等奏 皇后母家擡

旗請旨辦理一摺著將委散秩大臣三等承恩公崇綺本身一支  
擡入鑲黃旗滿洲○甲申諭瑞麟等協撥貴州軍餉○乙酉諭軍  
機大臣等禮部奏賊船侵擾朝鮮據咨轉奏一摺本年八月間中  
國商船四隻被賊船追趕避入朝鮮東江地方賊船竟闖入光城  
坊泊船島該國發兵擊敗賊船將中國商船救護出境此起彼賊船  
雖經朝鮮剿散而餘黨猶存沿邊各海洋理宜一律嚴肅豈容匪  
徒嘯聚越界搶掠況此因匪船越境竄擾致朝鮮衛將受傷衛士  
殞命尤屬不成事體著都興阿瑞聯恭鏜丁寶楨檄飭沿海水師  
查拏奸宄剿滅餘孽以靖海疆而綏藩服並著禮部行知朝鮮國  
王嗣後如有匪徒侵越滋擾卽照向章一體兜拏格殺勿論以期

盡殲醜類禮部摺並朝鮮咨文各一件均著鈔給都興阿等閱看  
將此諭知禮部並諭令都興阿瑞聯恭鏜丁寶楨知之○諭文麟  
奏攻剿東山竄匪獲勝並星星峽軍臺逆回劫殺請將疏防營員  
示懲各摺片肅州逆匪竄向哈密東山由馬鬣山分股擾至下莫  
艾地方經文麟派令統領魏忠義等帶隊追剿斬馘甚多生擒回  
逆馬乙麻木正法匪黨出哈爾山向東北逃竄此次進剿東山逆  
匪雖經小有斬獲惟東山地面遼闊隘口甚多該逆分股紛擾亟  
應盡力搜剿以絕延蔓該大臣務當嚴飭魏忠義等探明賊蹤所  
向實力追擊不得徒事粉飾致令醜類潛滋至星星峽回匪殺傷  
弁兵勇目多名劫去車馬餉銀等物守備向永福不能先事防範  
著先行摘去頂帶以示薄懲所失餉銀其若干兩責令各該營官  
賠補並著飭令魏忠義等確探痛剿毋畱餘孽該處軍臺速派弁

兵妥爲安設毋任再有疏虞將此由五百里諭令知之○諭禁殿  
廷鄉會各考試請託頂替諸弊○申諭金順迅赴肅州○丙戌改  
江蘇泰州營守備爲泰興營陸路守備駐泰興○丁亥允德英等  
請布特哈滿洲總管一缺加副都統銜○諭杜嘎爾添撥馬隊五  
百名赴榮全軍營調遣○戊子諭軍機大臣等成祿奏親統前隊  
行抵玉門見投勒竄匪試辦屯田一摺成祿見已親統入營於九  
月初間行抵玉門擇要扼紮後隊各營陸續西上該處地方疊遭  
賊擾居民大半流離並有竄匪八九成羣到處劫殺雖經成祿在  
惠同堡地方截剿殺斃回匪數十人惟賊夥尙多分股四出不特  
安敦玉三屬胥受其害尤恐竄擾哈密後路滋蔓堪虞成祿統領  
各隊既抵玉門卽著督飭官軍勤加偵探遇賊卽擊務使就地殲  
除毋任竄擾爲患成祿軍糧匱乏採辦維艱仍須關內接濟以贍



飢軍左宗棠務當嚴飭肅宗幹何元普等妥爲設法採辦源源轉運毋得稍分畛域致誤事機景廉所調吉林黑龍江馬隊亟望剋日到營以厚兵力見在行抵何處著左宗棠沿途催令迅速趨行毋稍遲滯所有該軍行糧一切並著左宗棠寬爲籌備俾利師行景廉一面派員迎提以資得力成祿所統各營足資防剿此項馬隊惟期迅抵景廉軍營成祿不得率行截畱致有遲誤將此由五百里各諭令知之○己丑諭內閣瑞麟等奏剿辦滋事土匪地方肅清一摺廣東瓊州府屬土匪何亞萬等藉名荒歉糾集萬州黎匪滋事經瑞麟等督飭署總兵劉成元帶兵勦辦該匪逃匿黎岡仍敢糾眾負隅四出劫擄復經劉成元會督官紳兵勇分路攻剿當將匪首何亞萬等擒獲並獲要犯多名悉行正法餘匪一律殲除辦理尙爲迅速仍著瑞麟等嚴飭在事員弁協同地方官認真

搜捕逃匪務絕根株並飭稽查戶口禁止奸民勾結以遏亂萌其  
被擾災民卽著妥爲安撫毋令一夫失所○庚寅甯夏將軍穆圖  
善奏陳甘省軍情請飭督臣左宗棠所畱後路各營移調前路得  
旨前因左宗棠兵力不敷准調宋慶一軍助剿見因晉省河防緊  
要該軍暫緩拔營此時蘭州北山一帶該督恐亦無兵可以填紮  
所有原駐各隊穆圖善仍當飭令照舊扼紮以資防剿至所稱左  
宗棠後路各營仍可移調前路等語所指後路各營究有若干係  
屬何人統帶見紮何處著該將軍詳細具奏○辛卯諭軍機大臣  
等劉嶽昭岑毓英奏官軍攻剿館驛等處踞匪迤東迤南肅清一  
摺滇省賊擾多年見在迤東迤南肅清省西府州縣城未復者尙  
有幾處已復各城尙有餘匪滋擾者又幾處著劉嶽昭岑毓英詳  
細查明據實具奏一面慎選賢能守令將已復地方善後事宜實

力興辦並整飭捕務嚴查奸宄以靖地方大理賊匪負嵎已久上  
下關早經克復該撫見赴前敵督勦卽著岑毓英於馳抵大理後  
嚴飭該將領等妥籌進攻迅將大理府城剋期攻拔並將附近賊  
巢一律掃蕩毋稍遲緩將此由五百里各諭令知之○予雲南陣  
亡副將李廷彪等建祠遊擊趙廷雲等附祀○乙未諭軍機大臣  
等曾璧光奏官軍攻克新城上游肅清一摺黔省回匪久踞新城  
於十月初五日克復生擒逆首金萬照正法上游一律肅清全黔  
底定覽奏殊深欣慰著俟詳細情形奏到再行降旨宣示該省變  
亂垂二十年見在軍務初平瘡痍滿目亟應整飭吏治撫輯民生  
著曾璧光督飭所屬將應辦善後事宜悉心經理以期地方日有  
起色其安插鎮撫各事並著曾璧光妥慎籌辦毋貽後患另片奏  
下江生苗滋事當經總兵張文德率隊勦除等語辦理尙爲妥速

所有出力員弁准其擇尤彙請獎敘毋稍冒濫下江地方見經曾壁光派隊彈壓並著該撫飭令地方官妥爲撫綏以安反側將此由五百里諭知曾壁光並傳諭周達武知之○諭奎昌等奏派兵剿賊獲勝一招肅州竄匪擾及蒙古喀爾喀所屬西南各旗境內經達爾濟督軍追剿於庫爾庫魯地方斃匪多名該逆向西奔逸見已竄往科屬以南之札哈沁旗界距科城甚近卽著奎昌常順多布沁札木楚志剛飭令達爾濟派撥馬隊迅速西進務將此股賊匪悉數殲除毋畱餘孽托倫布保英著一面布置城防一面派撥科屬兵勇會合夾擊淨埽賊氛將此由五百里各諭令知之○丙申諭軍機大臣等張樹聲奏擊獲槍梟積匪分別懲辦並查拏哥老會匪各摺片江浙交界處所時有槍匪出沒擾害地方本年九月間竟有大夥槍匪乘駕梟船數十號駛至太湖經張樹聲會

同提督李朝斌派兵分投堵截匪黨恃眾拒捕官軍合圍痛剿拏獲大小梟船三十八隻擊沈二隻起獲私鹽槍礮等件餘匪梟水逃逸復在餘杭桐鄉太湖等處緝獲槍匪頭目李阿四等多名此等匪徒黨與甚眾見雖大受懲創在逃餘黨亟應悉數查獲毋任逃匿江浙邊界濱臨太湖港汊紛歧犬牙交錯易致此拏彼竄著張樹聲恩錫楊昌濬各飭地方營汛員弁認真巡緝協力兜拏務絕根株該匪等以聚賭藏身乘閒勾結劫掠張樹聲已飭屬查拏賭局清理保甲隨時稽察使匪徒無可容身卽著恩錫責成各州縣實力奉行並著楊昌濬一體照辦以靖盜源至哥老會到處結黨拜盟此風斷不可長張樹聲見將羅淋保譚啟思二犯查拏正法其供出劉東伯陳錦汶二犯著王文韶檄飭所屬嚴密捕獲毋任漏網並將游兵撤勇悉數驅逐出境不准逗畱其沿江沿海軍

民暨水陸各營不少此類涸迹卽照張樹聲所議准其自首免罪儻仍瞥不畏法一經發覺卽著重懲不貸將此由四百里諭知張樹聲楊昌濬王文韶並傳諭恩錫知之○丁酉申禁各省種植罌粟○戊戌諭軍機大臣等常順保英奏竄匪圖犯科城一摺與十一月十四日奎昌等所奏情形大略相同該匪見已逼近濟爾根地方距科城僅一百餘里亟應迅速撲滅托倫布計已抵科卽著常順將該城防剿事宜與該署參贊等妥籌辦理並著托倫布保英懍遵前旨趕緊布置城防並於附近各要隘嚴密扼守一面設法派撥兵勇會同烏城派出官兵探蹤擊剿以淨逆氛達爾濟馬隊追剿此股賊匪見抵何處著奎昌常順多布沁札木楚志剛嚴飭該總管督率隊伍無論賊匪竄擾何地卽行迅速兜剿務絕根株將此由六百里各諭令知之○庚子諭軍機大臣等奎昌等奏

探聞科城被擾催隊追剿請調庫倫練軍暨察哈爾馬隊各摺片  
據稱接據西七臺台吉探報十月十七日賊至科城南街外十八  
十九兩日賊住街內二十日放火燒毀房屋向南遠颺等語前據  
常順保英馳奏賊竄入境情形卽係十月十七日拜發之件雖稱  
漸偪科城尙在一百餘里之內而奎昌等探報則是日賊已薄城  
且賊匪連日焚掠城關未見常順等出奇制勝所謂襲弱擣虛者  
安在見在賊已飽颺究竟竄向何處常順等當偵探明確知照各  
城一體兜剿不得以賊眾兵單未能攻擊爲詞任聽匪蹤奪突托  
倫布計已抵科著懷遵前旨與保英布置城防相機扼守截剿毋  
稍疏懈奎昌等卽飛催派出馬隊兼程赴科探明賊蹤實力追剿  
迅掃逆氛並著常順等派兵會同進擊不得在城株守莫展一籌  
致干重咎此股賊匪據奎昌等奏止有六百餘名何以常順等前

奏稱係二三千眾多寡懸殊是否偵探不確抑有另股分竄著卽據實具奏賊蹤飄忽難保不同竄烏城奎昌等當將城防先事豫籌毋稍疏忽所請於庫倫練軍內抽調古北口宣化兵共五百名以資防禦自係移緩就急之計著張廷岳阿爾塔什達照數派撥裹帶行糧等件分起速赴烏城交奎昌等調遣達爾濟等馬隊卽作爲追剿之兵以資得力如庫倫練軍不敷分撥卽再由宣化古北口轉調足額著張廷岳等酌度辦理烏城尙需馬隊著額勒和布景瑞再行揀調蒙古馬隊二百五十名裹帶行糧軍裝分起赴烏於明年正月內陸續到齊務須一律精壯不得以疲弱充數將此由六百里各諭令知之○諭張曜奏派隊分紮鎮番等處防剿情形一摺鎮番縣屬又阿拉善旗一帶地方遼闊時有賊匪竄擾兇經張曜派令提督李葆琛管帶三營前赴柳林湖紅沙梁各處



協同郝永剛擇要分紮兼顧金順運道靈州花馬池一帶亦派提督王連三管帶親兵兩營前往俟譚拔萃各營拔赴西甯卽行填紮著張曜飭令派出各軍認真防剿遇賊卽擊毋稍疏虞該提督仍當親率馬步隊隨時偵探實力剿擊竄匪率多騎賊飄忽異常張曜所部馬隊僅有兩營不敷追剿著定安迅卽籌撥馬隊數百名協同追剿盡掃逆氛鎮番縣東西灣竄匪雖經郝永剛等剿敗擒斬多名賊匪見向永昌縣一路遁逃仍當跟蹤追剿並著張曜知會涼州官軍一同截擊就地殲除以清邊患將此由五百里諭知定安並傳諭張曜知之○辛丑左宗棠奏劉錦棠西甯剿匪八月二十四日馬步賊數千分爲二股一循山而下直撲西甯營卡都司李雙良防營一出彥才溝阻截前路各營劉錦棠率遊擊熊隆名都司董福祥副將陳宗蕃分道往擊遙見撲營之賊五六百

山谷溝坎伏賊甚多劉錦棠揮軍急進李雙良出壘夾攻先將撲營之賊擊敗原上之賊豫砌礮臺憑高下擊提督譚和義蘇大德羅照陞陳啟明副將陶鼎金各率馬步由平戎驛馳至賊之出彥才溝者知勢不敵縮退溝內熊隆名乘勢壓追譚和義等鼓銳登山立殲悍賊多名賊乃大潰逐北越嶺斃賊百餘名是夜馬步隊分伏彥才溝口擬俟賊出擊之賊知有伏不出二十五日羊角溝灣賊數千列隊小峽口各山頭千餘賊由三十里鋪撲提督譚上連營壘提督何作霖余虎恩出隊援之譚上連亦憑壘力擊礮石雨注賊負創而遁劉錦棠聞報密調後路馬步合紮三十里鋪各營並於營邊修砌礮臺安放後膛開花車輪大礮以待二十六日賊匿不出而湟北陝回營內騾馬千餘出壘放草副將鄧增以車輪大礮測準向人馬聚處轟之連開三十餘礮礮子半飛入賊壘

半落人馬叢中賊棄壘越山而遁是夜湟北收屍之賊紛呶徹旦  
斃賊蓋不知其數也二十七日各營仍依山設伏午間賊由山頂  
迤邐而下熊隆名以馬隊誘之賊見隊少擁撲而下鄧增仍連施  
大礮何作霖等分隊擊之賊大潰追近賊卡而返旋據西甯防營  
李雙良報稱是日馬步賊千餘撲近營壘李雙良憑牆力禦有悍  
賊揮大刀徑撲營壕爲官軍洋槍擊倒羣賊以矛桿昇之而逸復  
獲生賊詢之蓋卽白彥虎也二十八日各營仍於三十里鋪設伏  
賊僅以數百人散匿山谷官軍亦以零隊擊之賊遁劉錦棠以羊  
角灣之賊知我有備料不復出而高疆溝緊偏平戎爲白彥虎畢  
大才之黨所據倚觀音堂紅水泉爲固必誘出創之遂抽隊夜抵  
彥才溝口二十九日見馬賊百餘馳騁溝中大股繼出陳宗蕃佯  
作敗狀誘其深入賊噪而前伏隊四起賊駭而奔追殺十餘里賊

屍枕藉遙見駱駝堡賊卡十餘座劉錦棠揮軍緊追賊不及入卡  
守卡者亦相隨狂竄時已黃昏卽就賊壘分軍駐之生擒土回領  
隊馬仲供稱白彥虎二十七日出隊爲礮子洞穿左乳又西甯逆  
回馬桂源之弟馬眞源亦爲礮子洞穿右肋撒拉回目多半爲官  
軍擒斬該逆疊經痛剿仍恃眾穩抗並分股繞出沙溝一帶伺劫  
糧運時督帶綬定營候補直隸州知州龍錫慶駐大峽口初五日  
率所部三百人循探賊蹤甫抵郭爾堡卽遇逆股四五百羣擁接  
戰龍錫慶擊敗之追抵沙溝乘勝破賊壘一座守賊殲焉餘三座  
驚竄官軍入堡傳餐忽有大股驟至偪堡環攻龍錫慶力守達曙  
亡傷弁丁七十餘人仍整隊旋營參將余士利督戰不力龍錫慶  
斬之軍前以徇劉錦棠聞龍錫慶深入被圍初六日黎明飛調馬  
步向觀音溝赴援入溝十里許道旁有賊堡七座馬隊先至堡賊

紛紛出拒比步隊至奮威衝殺賊棄巢而奔立焚其巢躡追八九里大堡中出馬步賊千餘另股由兩山旁鈔出劉錦棠分軍力戰三時之久賊均敗潰適龍錫慶亦已旋營遂收隊而還初八日小峽之賊已大股出撲營壘另股由左面山溝鈔出劉錦棠飭譚上進等列隊壘前飭鄧增以大礮向擊賊譚潰不復成列馬隊跟蹤馳追山溝之賊從旁衝出陶鼎金等下馬持矛攢刺何作霖等分路鈔之賊不能支追越山巔斃賊三四百名初九日賊大股趨北岸鄧增以大礮擊散其南岸賊千餘排列山頂各營以槍礮仰擊旋亦敗遁初十日副將譚慎典率親軍馬隊赴碾伯迎糧過平戎驛忽馬賊二百餘擁至譚慎典分其隊之半護糧一半接仗行近高店堡都司張俊從堡中躍出賊紛竄十二十三兩日劉錦棠抽隊赴平戎驛修橋并渡湟至紅巖子溝築壘以通威遠堡糧路威

遠之馬圈口班家灣等處時有回逆出擾疊經總兵黃武賢技勦頗有斬馘十四日平戎橋工將竣有百餘馬賊從觀音溝彥才溝頭噪而來劉錦棠飭陳啟明陶鼎金等率馬隊衝擊南山復有大股賊至繇亘二十里陳啟明等以眾寡懸絕收隊憑壘施放槍礮劉錦棠飛令各軍渡湟而南賊趁官軍半渡四面猛撲適譚和義蘇大德齊至士卒直前奮擊斃賊多名熊隆名董福祥時在馬營潛聞平戎驛礮聲甚緊疾馳而來提督席大成尹興茂等亦至張兩翼分鈔羅照陞陳啟明等乘機猛進賊大敗官軍合圍兜追斬馘二百餘名生擒十五名十五夜賊乘雪於李雙良營壘西三里山巔連築七卡大股分紮隔截前敵各營十六日劉錦棠前往查看馬賊擾至平戎驛步賊排列護卡約近萬人劉錦棠飭李雙良堅守勿出飛率各營渡橋直上馬賊向前抗拒官軍槍礮齊發立

斃多人官軍猛追抵馬營灣對岸劉錦棠飭令蘇大德築壘羅照  
陞等列隊以待賊忽大至馳下平川適何作霖席大成尹興茂等  
馳至鄧增亦護大礮前來連開數礮賊稍卻各軍分左右力戰殲  
賊無數賊縮退壘中官軍偪攻壘中礮石紛飛官軍傷亡不少劉  
錦棠令勿撤隊是夜風雪嚴寒裂膚刺骨軍士露立賊壘之外無  
一懈者十七日黎明劉錦棠由北岸亂流而渡令鄧增向山頂轟  
三十餘礮斃賊甚多大股走匿山凹劉錦棠以堅壘驟難蕩平乃  
整旅折赴馬營灣河灘上下令董福祥連夜添造木橋二十日抽  
撥三營渡湟築壘令譚上連何作霖等分扼湟南北以扼賊衝部  
署甫定賊果率大股下山意圖阻官軍工作何作霖等分途盪決  
斃賊數十名賊敗上山梁少頃復率數百騎由北岸山溝衝近河  
邊劉錦棠飭各軍迎勦一面令鄧增以大礮隔轟之賊大敗而逸

陶鼎金等飛馬截之斬馘多名生擒一名二十二三兩日賊時以零騎分擾南北而於紅莊子對岸聯紮數壘蓋防官軍由北岸進攻也劉錦棠佯若不知日夜督修橋壘並於橋兩旁築礮臺護之三十四六等日陸續派隊往礮台接糧並增修卡壘零賊時出阻擾多被擒斬二十八日五鼓大股撲近新修之卡白彥虎畢大才之黨約土回由馬營灣山下平川渡湟兩股將合約七八千人劉錦棠分軍渡湟猛撲之賊惶懼縮退其臭水不及者董福祚等悉斬之賊回撲席大成營壘董福祚等由左路馳至夾擊賊仍敗遁湟南賊見北岸賊敗渡水來援尹興茂等折回夾擊賊翻山而竄是日步賊千餘至小峽分股伏溝中昇大礮攻何作霖之營礮子墜入壘中者約重二斤餘何作霖率隊從壘牆躍出擊散賊眾並等其礮二十九日劉錦棠令於北岸山上修築一營十月初一日



又於新營西五六里增修一營爲進偏計兩日有馬步來擾均擊  
敗初二日小峽口賊千餘來撲營壘譚上連等擊斬數十名生擒  
三名訊據供稱是日陝回往北川攻民寨掠食劉錦棠令各營分  
左右捲旗疾趨奪高寨之險高寨前一小卡守賊數十人見官軍  
突至棄卡逃入高寨高寨守賊約三千餘列械出扼官軍馬步齊  
進銳不可當忽隔河開花大礮子飛墜賊叢中賊益惶懼驀山滾  
澗而逃官軍譟噪乘之刀砍矛刺賊屍枕藉高寨一帶十餘卡壘  
一氣踏平比小峽大隊馬賊來援亦經鄧增以大礮擊退擒斬二  
百餘名奪獲馬械極多據擒賊趙啟泰於積屍中指認回目蘇九  
和一名並供此股陝回最多是夜官軍卽紮於此又增修一壘初  
三日臣宗棠所調前往助剿之提督劉明燈及副將滕春山等至  
高寨與劉錦棠晤商劉明燈所部馬步六營從七里鋪延紮至彥

才溝營出劉錦棠所部左右翼兩營及綏定兩營以便滾移進取  
又增修三壘賊見官軍連日於高寨增壘意南岸必虛初五日大  
股由小峽出撲官軍迄未得逞官軍亦未窮追是夜又於八旗壘  
西增修兩卡初七日賊大股圍撲新修之卡官軍以連夜未眠僅  
以槍石火箭火彈禦之賊見官軍不出各持馬刀紛入濠溝何作  
霖譚上連等分兩路挺矛直出立斬悍賊三十餘名賊稍退適鄧  
增通大礮至對路狹賊多處連發十餘礮賊乃敗潰初八日分軍  
扼小峽正路及西南兩路另派隊上山增修一卡賊紛至官軍擊  
卻之一股兇悍異常愈擊愈進何作霖憤甚大呼陷陣縱軍衝殺  
縱橫盪決賊不能支始紛紛敗潰初九日黎明賊大股由三十里  
鋪竄至官軍按隊不動俟賊漸偏營前乃分左右出擊賊屢卻屢  
前官軍奮威衝殺立斬悍賊二十餘名乘勢壓勦斬賊遂多劉錦

棠以南岸難攻遂於是夜潛師夜起改率各營由馬營灣過橋至高寨會襲小峽賊壘分前左右三路銜枚馳近北岸賊壘賊始驚覺官軍已叢擁而上次第奪山麓三壘拔幟立幟正追逐間忽小峽內塵沙蔽日賊約萬人由山頭及中路奔來官軍整隊迎擊殪賊數十名左翼一營列隊左山巔賊力爭此地自辰至申血戰不少卻譚和義等皆身被數創仍裹創力戰大呼突陣賊皆辟易紛紛敗退是日湟南一股撲近官營並以槍橫擊湟北官軍經何作霖等擊斃多名是夜劉錦棠令各營急運輓石增修廢壘並於山頭添修一壘扼之十一日賊於對山亦築數壘十二日偵賊大股匿峽中守壘之賊堅壁不出劉錦棠懸重賞挑選壯士攻南山各卡其北山四壘分各軍攻其三劉錦棠親率各營隨後策應夜近賊壘乘賊未覺火器紛飛著處皆然賊驚起拒戰而壯士已從濠

中躍出以肩爲梯攀壘騰上矣須臾三壘均破南山賊卡亦同時攻克各卡壘賊約近千人無漏逸者官軍卽夜分填所奪三壘駐之十三日賊大股來犯劉錦棠飭三壘各以一營守壘餘列長陣護之羅照陞陳宗蕃李雙良等率所部奮擊斃賊多名立將所破賊壘修築完好護糧入壘並接修運礮臺車大道十七日署西甯道郭襄之遣人縋城來告被圍兩月城中糧食將盡十四夜五鼓賊乘梯襲城雖經擊退然勢甚危迫乞速應援適馬桂源稟請官軍暫退礮伯卽誠心就撫又撒拉八工回昂貴奴勒等亦具稟代西甯土回乞撫劉錦棠知其意在緩兵十八日黎明飭余虎恩席大成護五十里鋪各壘自率各營護大礮上北岸山頂正在分撥之際賊忽分三股一由小峽口南山一由馬營灣下徑犯官軍營妄意乘南岸之虛其大股則向北山急進劉錦棠以南岸各卡修

繕完固力足制賊令鄧增測準北山賊壘開大礮轟擊令譚和義護之一面分飭兩路攻左右賊壘一路擊正中入股一路策應兩時發大礮子六十餘賊三壘牆垣皆坍塌避匿溝中劉錦棠揮各路猛進陣斬悍賊二三百名賊大潰官軍蹣跚緊追連破北山西面卡壘十餘座乘勝壓下山梁賊棄山麓各壘而逃一由湟北竄韻家口一由水渡湟南當將峽內羊角灣羅家灣二十里鋪十里鋪一帶卡壘悉數踏平其南岸之賊見官軍自北而南截其歸路竄走南山之南余虎恩席大成追之破其山上卡壘十餘座越山至羊角灣會隊其竄韻家口一帶者見董福祥羅照陞等引軍突至均棄寨向西甯而逃薄暮劉錦棠飭各營歸隊分紮兩岸賊壘一面整修壕牆防賊回撲夜分馬賊數千復拌命來犯官軍結隊衝擊賊屍徧野仍卽敗遁十九日黎明瞭見西甯附城各莊寨火起

劉錦棠飛調馬步迅速比抵東關逆首馬本源馬桂源同各土回頭目於先夕三鼓各挈逆眷向東川竄走殿後馬賊數百被陶生林等追擊四散向南川而遁計連日斃賊約三四千人署西甯道郭襄之西甯縣知縣恩祿率城內難民男婦老弱三萬餘名望塵迎拜喜極而涕劉錦棠宣布 皇仁逐加撫諭令其照常防守其城外老弱回民約千餘口籲乞曲貸生命亦令免死安插並諭土回被裹者准其歸候安插臣維礪伯赴西甯距縣七里渡湟水西南達府城兩山對峙湟水中流古所稱湟中者也由大峽口抵小峽口數十里高峰危聳中通一徑岸路僅寬數尺兵馬能魚貫不能雁行南北溝岔紛歧賊蹤出沒其間排叉子槍平地施放命中較易此次叛逆馬本源馬桂源兄弟先請官軍驅逐陝回迨官兵甫進大峽忽嗾陝回助逆拚死抗拒又糾五工六工撒拉回眾合

勢抗拒地險賊眾又皆著名兇狡劉錦棠孤軍深入以馬步十八營分紮八十餘里賊時於山凹中出隊阻截運道圍撲各營聲氣閒隔時須調撥救援前後計兩月有餘大小五十餘戰幸賴朝廷威福無戰不捷得以掃除積年兇惡挈湟中境土仍隸職方此固非臣等所能逆料也至邊地苦寒大小峽口一帶山谷盤互日月蔽虧冰凌凝結最早計五十餘戰中半皆夜不收隊露立雪窖中擊柝之聲與號寒之聲相雜而軍士無一怨者非平時訓練有方奚以致此見據劉錦棠稟報馬本源馬桂源帶同各土回目挈眷逃入撒拉蓋該逆本循化廳人與撒拉同鄉并撒拉素相暱就者也臣已飭按察使陳湜河州鎮總兵沈玉遂督同河州撫回馬占鼐圖之據報該逆已抵巴燕戎格矣大抵回情最忌縛獻阿訇總須其自投羅網耳至陝回已焚棄所踞大小南川巢穴揚言直奔

甘州嗣仍踞西川未動意或求撫亦未可知臣宗棠前調提督吳  
隆海率果軍降補參將楊世俊率奇捷馬步等營合馬隊三營步  
隊八營隨同劉錦棠進剿比抵礪伯則小峽口業已攻克劉錦棠  
兵抵西甯矣見正授除餘匪分別剿撫以靖地方 上諭軍機大  
臣等西甯被圍日久此次劉錦棠督軍深入立解城圍並分別安  
插難民降眾辦理甚妥該處久爲賊擾民不聊生一切善後事宜  
卽著豫師會商左宗棠悉心布置毋令失所回族結黨甚固醜類  
繁多仍恐有不逞之徒暗中勾結別滋事端亟應將伏莽一律掃  
除毋貽後患並著左宗棠豫師隨時加意防範以期綏靖地方至  
叛逆馬本源等帶同土匪挈眷逃遁已抵巴燕戎格豈可任其遠  
颺仍當設法按名弋獲明正典刑以示懲儆陝回是否仍踞西川  
如其逃向甘州左宗棠當飭令各軍跟蹤追剿並檄甘涼各隊迎



頭兜擊就地殲除毋聽其乞撫緩師致墮賊計將此由六百里各諭令知之○諭常順保英奏賊撲科城擊退並請保出力員弁各摺片據奏賊匪攻撲科城勢甚猖獗經在營將弁竭力拒守歷三晝夜賊眾始由東南山路仍向札哈沁部落奔竄等語與奎昌等所奏大略相同此股賊匪雖經退走並未大受懲創難保不去而復來伺隙竄突常順等常懷遵昨日諭旨偵探明確知照各城一體兜剿不得拘守一隅致干重咎托倫布抵科後務與保英布置城防相機扼守截剿毋稍疏懈奎昌等仍飛催派出馬隊探明賊蹤實力追剿迅掃逆氛此次守城出力員弁及修治城壕辦理臺站各員均著常順等先行存記俟此股賊匪全行剿滅該員等續有勞績再行據實奏保常順等摺內聲稱賊匪二千餘眾與奎昌昨奏六百餘名數目懸殊仍著懷遵前旨確查具奏賊蹤飄忽烏

城防守事宜奎昌等宜先事豫籌毋稍大意將此由六百里各諭令知之○左宗棠奏查河州大東鄉地方素稱盜藪積匪高奉朝馬祥楊由什等於八月內造謠煽亂開出搶劫經臣軍經理營務處按察使陳湜出示鎮撫良民俾無從亂一面密拏匪類該逆計不得逞僅脅數百人據太子寺附近上下各處攔途劫掠九月十五六兩日民團往捕該匪抗拒接戰殺斃民團十餘人陳湜於十七日率官軍分路搜捕當擒斬三十餘名餘眾四散連日又經回目馬占鼇率民團緝獲三十餘名馬祥亦拏解訊明正法據供高奉朝已逃竄西甯見在密飭搜捕被脅之眾則已概行解散其未獲匪徒飭地方官督馬占鼇督團密拏地方仍一律安堵如故足以仰慰宸廑報聞○予甘肅陣亡遊擊陳湘林等祭葬世職○壬寅冬至祀天於園丘○乙巳喬松年奏籌疏濟運河事宜

允之○予安徽陣亡知府顏懷忠建祠府經歷陳謨附祀並山西  
殉難知州莫倉榮等祭葬世職○丙午飭河南添撥河工防險銀  
二十六萬兩○丁未諭軍機大臣等邵亨豫奏劉盛藻到陝接統  
銘軍並北路零匪竄越剿除殆盡各一摺臬司劉盛藻於十一月  
十五日行抵陝省見已馳赴乾州接統曹克忠所部各營著邵亨  
豫飭令該臬司妥籌駕馭嚴密布置不得稍涉疏虞曹克忠所收  
潰卒立爲馬隊二營前據該提督奏請分隸李輝武譚仁芳部下  
茲據邵亨豫奏此項勇丁駕馭不易未可輕率分撥卽著該撫督  
飭劉盛藻體察情形應如何酌量撤畱隨時妥慎辦理毋任滋生  
事端穆圖善擬由邵進省與邵亨豫籌商防務該將軍當懍遵疊  
次諭旨扼紮平涼固原一帶以爲甘省後路聲援毋得意存畛域  
致誤事機陝北二套河等處賊騎分股竄擾經譚仁芳等帶隊追

勦殲殆盡其追至克丑爾廟一起匪徒據奏沙地浩渺迷賊所向究竟竄往何處仍著嚴飭該將領跟蹤接捕務絕根株並著左宗棠飭令甘省各軍嚴密扼防毋任匪股紛竄草地致滋延蔓徐占彪攻勦肅州情形若何著左宗棠檄飭該提督穩慎進取力圖攻拔以期早靖西陲西甯解圍後一切善後事宜均應妥籌經理逆首馬本源等遁往巴燕戎格等處該大臣當嚴飭各軍設法購拏迅速弋獲以申法紀將此由四百里各諭令知之○己酉諭軍機大臣等前據金順奏遵旨於九月十五日起陸續拔隊西行由甘涼徑向肅州疊次有旨催令前進迅赴戎機並諭將抵肅日期先行具奏數月以來未據金順續有奏報殊不可解刻下西甯業已解圍惟肅州一城未下該處軍務正形喫緊金順計應早到肅州見在行抵何處著卽行奏聞並懍遵疊次諭旨迅赴肅州會同

徐占彪剋期攻拔卽行出關接統成祿各營安爲布置毋再遲延  
干咎將此由六百里密諭知之○庚戌允楊昌濬議以輪船運漕  
並諭李鴻章籌備撥船轉運○是月蠲緩直隸開州等九州縣被  
水新舊額賦江蘇高郵等三十六州廳縣暨淮安等四衛被水被  
旱新舊額賦太倉等二十九州廳縣蘇州等五衛被水被旱暨未  
墾田畝本年額賦浙江海甯等六十七州縣暨杭嚴等四衛被水  
被旱被風被雹並未墾田畝新舊額賦山東臨清等七十一州縣  
暨濟甯等五衛被水被旱被風被蟲新舊額賦緩徵安徽泗州等  
四十二州縣被水被旱被風被蟲新舊額賦雜課

十二月辛亥朔左宗棠奏竊提督徐占彪圍攻肅逆八月初八日  
黎明偵賊由北門駛運糧草徐占彪密飭總兵齊懷松守備武朝  
聘率馬隊夜伏潘家屯莊以待并飭總兵李洪超陳登雲千總藍

明秦率步隊爲援待至日午賊仍未出收隊厯草湖灘突遇賊七八百分兩股一循北城濠出一出短牆徑前迎撲馬賊四五百忽由北門疾馳而出齊懷松等背湖列陣分隊迎擊李洪超率隊循渠逆上賊亦分股力拒正鏖戰閒遊擊鄭光平率小馬隊與新收歸化馬隊由南壩沙根繞衝賊右官軍合力奮進賊駭而奔各營乘勝追抵北門殲賊數十名並生擒七名而返初十至十九日賊匿不出惟夜閒於城頭施放槍礮徐占彪飭各營靜以待之二十日辰刻北門出賊二千餘循濠下至城東分三股圍歸化三營城上連放大礮護之提督陳春萬等出隊衝殺徐占彪飭遊擊秦玉盛等以馬隊繞鈔城東北角齊懷松列隊城南總兵宋賢聲黃祖福等各率隊繼至賊不敢近惟伏渠中施放叉子槍相持既久忽城西槍礮大震徐占彪飛率小隊親兵及遊擊徐春先馳往見城

西之賊二千餘正偪攻河北壩民團營壘民團勢將不支徐占彪飛令遊擊陳吉陞把總熊飛鵬鈔出賊後千總侯定邦及鄭光平直攻賊前賊殊死戰熊飛鵬督隊直擣中堅賊始敗竄陳吉陞自旁橫擊之侯定邦鄭光平復繞截其歸路賊敗走官軍追偪城下城上槍石雨注始收隊而還計殺賊百餘名將弁亦多帶傷者城東之賊經總兵龍得勝及藍明泰齊懷松等擊敗返奔守備李得宜瞥見殿後賊目卽前次乞撫之僞萬長馬明躍馬斬之各營乘勝追殺斃賊數十名徐占彪撥副右等營勇丁助民團守壘二十一日黎明賊仍由北城濠中潛出千餘人繞城西撲新中營右哨分壘副將李玉山飭勇丁憑牆堅守俟賊撲近槍礮排轟數十名賊退踞濠邊宋賢聲陳惠萬馳至見另股由南濠撲正營前哨分壘擊卻之是夜徐占彪飭各營環城南掘長濠二十二日賊復由

西南濠內突出千餘名直犯新左後哨分壘提督蕭章林飭以劈山綫槍測準轟之斃賊數名乘勝開壁縱擊賊仍敗匿濠中是夜賊千餘由南城各攜鋤偷掘濠牆徐占彪率隊潛往以洋槍自後擊之賊大潰濠牆已被賊掘坍數丈仍飭修砌二十四五兩日城南長壕已掘成七百餘丈是夜謀報有賊數百潛赴塔爾灣收糧徐占彪飭藍明泰率歸化馬步隊跟蹤捕剿賊正乘月搶獲官軍遽起掩之斃賊二三十名生擒七名奪獲駱駝九頭二十六日賊千餘由城西禮拜寺偪攻新中兩營城上齊施槍礮徐占彪一面督軍修濠一面調徐惠先及千總王岐山助守各營鏖戰數時賊始敗遁城西禮拜寺有踞賊數百見長濠修近中渠礙其出入是夜於渠西築二卡相抗二十七日夜徐占彪率壯士襲賊卡各攜麥草填濠殺入賊驚覺狂竄斃賊數十名生擒三名遂焚其卡



二十八日城東南西三面俱出零賊伏濠放槍並於城西增修三卡較前高堅徐占彪慮其夜擾調新左營右哨均填紮前哨壘中是夜悍賊二千餘直攻新左營勢甚兇猛總兵張成義及蕭章林環施槍礮賊三伏三起撲及營門蕭章林挺矛奮刺斃賊十餘名賊稍卻徐占彪率各營分道馳援忽大風揚塵賊叉子槍不能施放官軍大呼砍陣賊勢披靡屍橫里許生擒十一名訊據擒賊馬六兒供稱是役共斃賊四百餘名內千長萬長共十餘名九月初一日賊伏西南城下開槍又於城上放九節大礮忽斷忽續徐占彪見賊不出戰惟攢聚城濠覺其有異率親兵潛赴城南時城上寂無人聲循濠而西見溝中新開地洞二處深甫六七尺旋入黃草渠又見渠中一洞正對新左營壘深至五丈有餘徐占彪飭蕭章林張成義等亦深掘營濠當之初二日營濠已掘至二丈許忽

黃草渠黑煙突起有聲如雷昏霧中見渠中伏賊紛紛爬濠亂竄不喻其故趨視渠中始知賊失火引然所安火器轟坍地洞洞中之賊已焚斃無數初三夜賊潛出城南偷掘濠牆火光如螢倏忽隱見哨長鄧洪貴暗排槍礮以待俟賊偏近槍礮迸發比敗賊回竄踰溝徐占彪已率隊馳至夾擊斃賊遂多自九月初三以後至二十三日賊雖零星偷撲營濠人數無多知屢挫之後兇燄衰矣二十四賊復分兩股出撲新中兩營眾約三四千人以馬賊五六百排列黃草壩徐占彪飛調副將桂錫楨及秦玉盛藍明泰各率所部迎擊馬賊飭李洪超陳登雲攻其左路親兵小隊及徐惠先宋賢聲等攻其右路秦玉盛等揮隊直前馬賊拚死力拒哨官樊振海怒馬砍陣銳不可當藍明泰復以健騎襲攻賊後賊隊大亂各軍譁噪追逐徑抵北門殺賊數十而奪其馬右路之賊已偏新

中營濠徐惠先自後擊之賊回拒時許李玉山知賊勢已竭開壁夾擊賊仍敗走左路之賊經總兵康得勝副將吳占勝分投接戰賊敗伏河邊以叉子槍連環施放有賊目執旗喊黨鏖戰降賊認爲馬尢元帥吳占勝率壯士挺矛大呼陷陣伏賊爭起攢刺吳占勝手刃馬尢元帥而奪其旗餘賊駭奔徐占彪合隊掩殺賊敗入卡副將蕭蘭玉跟追直薄賊卡賊復卻退徐春先順渠鈔之共斬賊二百餘名生擒七名奪獲刀械尤多二十八日秦玉盛率馬隊赴城北巡哨適騎賊二三百向西疾馳秦玉盛繞前截擊賊仍回城糾城賊復出桂錫楨等率隊繼至擊卻之二十九日馬步賊千餘順草湖而下徐占彪列陣以待比賊逼近桂錫楨鈔其後秦玉盛攻其前賊依廢堡分股穩抗徐占彪伺其稍懈親率精銳橫攻之馬賊先逸步賊四潰追殺百餘名生擒四十七名奪獲馬械極

多臣維肅逆被圍日久窘蹙異常希圖攻撲牆濠潰圍鼠竄均經  
徐占彪擊卻卒不得逞惟地闊兵單未能合圍制其死命容俟增  
派勁旅多昇攻具以期迅拔堅城 上諭軍機大臣等西甯土客  
各回竄伏西川及巴燕戎格大通等處窮蹙乞撫肅州踞逆亦經  
徐占彪疊次猛攻偏城而壘惟該城地廣兵單未能速合長圍制  
賊死命卽著左宗棠飭令徐占彪就見有兵力穩慎以圖一面添  
派勁旅併力進攻金順於九月中旬自甯夏拔隊西進疊諭到肅  
後會合徐占彪一軍力拔堅城刻下計早抵肅西川等處乞撫回  
眾並著妥籌辦理毋稍疏虞該大臣以兵力不敷請飭曹克忠赴  
甘助剿卽著邵亨豫傳知曹克忠於交卸後迅速馳赴蘭州聽候  
左宗棠調遣其所募步隊三營並令慎加選擇或分別賞遣毋任  
滋事至曹克忠抵甘後應如何撥營歸其統帶及該提督應赴何

處駐紮並著左宗棠斟酌情形奏明辦理穆圖善當懷遵疊次諭旨扼紮平涼固原一帶以爲甘肅後路聲援毋得逗遛西安省城將此由五百里各諭令知之○諭景廉奏西路營弁盤獲悍回交出文信一摺據稱回逆妥得璘派人赴古牧地給馬明送信意欲約會孔才助剿安夷經營官秦殿喜盤獲交出僞文該逆復遣馬進才等赴西甯送信欲約該處回兵出關相助亦經西路營弁盤獲其駐紮古牧地之徐學功等營勇丁見經馬明全數撤回原營等語前據景廉奏回目馬明投誠本不足恃該回目見聞我軍進兵遽將古牧地勇丁撤回顯因官兵前進意存疑懼反覆無常安逆並令馬明約會官軍爲伊復仇尤爲詭譎著景廉飭令駐古各統領勤加偵探慎守營壘不得輕率進兵致爲所愚安逆意欲糾約西甯回逆出關尤當嚴加防範著左宗棠文麟多派弁兵於關

內外地方隨時確探遇有該逆遣人送信立即查拏毋令潛通消息金順見在行抵何處著懷遵疊次諭旨迅速兼程前赴肅州與徐占彪一軍會合力拔堅城並派員弁梭巡各關隘毋令內地回逆出關句結爲患將此由五百里各諭令知之○諭富和奏籌畫新疆大概情形整頓邊境請飭撥馬匹軍火景廉奏錫綸需用軍火請飭烏科兩城分撥各摺片據富和奏稱塔爾巴哈台城池難於整理且距科布多古城較遠不能接應擬請緩修塔城帶兵由古城沙山子一帶進剿或暫紮布倫托海阿爾泰山一帶以資鎮壓等語富和身任參贊大臣所有塔城應辦事宜責無旁貸自應竭力籌畫勉爲其難豈得意存諉卸所稱帶兵進剿亦未見確有把握且該參贊與榮全同在塔城何以不會商該署將軍再行入奏所陳各情於新疆大局有無裨益著榮全酌度迅速奏聞如有

應與景廉咨商之處卽著彼此妥籌具奏至該署將軍參贊等同辦一事必應和衷共濟方於公事有裨毋得各執意見卡拉托羅蓋臺究竟是否俄國地面富和以該處屢被俄人偪勒擬將東南兩路十四臺暫行裁撤但裁撤之後道路恐致梗阻著榮全與富和會商妥辦哈薩克肆行搶掠逃避俄境已諭令總理各國事務衙門王大臣與俄使商辦仍著榮全富和派撥官兵認真彈壓遇有哈薩克搶劫之案按照條約分別辦理厄魯特索倫官兵需用軍械馬匹各項數目該參贊何以不分晰奏明著富和知照奎昌多布沁札木楚志剛將馬匹需用若干酌量撥給軍械等項應撥若干並著知照奎昌等於前月十九日奏撥神機營軍械內分撥應用該城如有不敷再由奎昌等奏請撥補錫綸前赴布倫托海募練勇丁需用軍火著奎昌多布沁札木楚志剛常順托倫布保

英豫爲籌備以便就近撥用富和另片奏上年十一月二十八日奏奉諭旨豫撥俸餉銀二萬兩迄今尙未解到等語著戶部查明前項撥款迅卽行催毋令延緩富和原摺一件著鈔給榮全閱看將此由六百里各諭令知之○壬子諭軍機大臣等都興阿奏宗室窩盜分贓獲案審實擬請照例嚴辦一摺西斌卽斌洛二身係宗室膽敢窩盜分贓並商令盜匪關鐸等宰牲祭旗糾眾多人到處焚掠淫殺擾害地方實屬罪不容誅全昇卽祿二豐喜卽豐四窩盜分贓並敢將盜首縱令逃逸目無法紀厥罪維均以上三犯均著革去宗室頂帶照強盜窩主擬斬立決例卽行正法在逃盜首關鐸暨鄧心來等卽著都興阿督飭在事員弁勒限嚴拏務獲按律懲辦不准一名漏網如逾限無獲卽將承緝各員嚴參懲處窩盜之家既經嚴辦其在官人役難保無得受月規家縱包庇及



句通一氣魚肉鄉民情事尤屬罪無可追該將軍務當會商府尹  
嚴密查訪儻有前項情弊立即捕獲治以軍法毋稍寬縱至諸色  
旗民各處兵勇如有溷迹盜中者並著懷遵九月十三日諭旨嚴  
拏窮治如本管官袒庇不交或問官承審不實卽行分別從嚴參  
辦務使法立必行不得始勤終怠此案餘犯均著照所擬辦理將  
此諭令知之○癸丑諭軍機大臣等劉長佑馮子材奏勦捕沿邊  
各屬土匪情形一摺廣西岑溪等處土匪疊經各路兵勇會同地  
方官將首要各逆拏獲斬馘多名勦辦尙屬認真惟各屬伏莽尙  
多非搜捕淨盡不能永除後患仍著劉長佑等督飭各路兵勇及  
各該地方文武將逃竄餘匪悉數勦除並將善後事宜妥爲籌辦  
以靖閭閻而清遺孽所有此次出力官紳准其先行存記彙案酌  
保至沿邊郡屬關禁廢弛已久亟應大加整頓覃遠璉所帶營勇

計將到防劉長佑等務當督飭該道會同該地方文武修整隘口查拏匪徒庶內奸外寇不至勾結爲患劉長佑另摺奏越南國正貢屆期請示進關日期一摺該督撫查照歷屆例貢進關之時酌定日期一面具奏一面行令該國王遵照辦理將此由四百里各諭令知之○乙卯諭軍機大臣等前經疊諭穆圖善移紮平涼固原一帶爲甘省後路聲援茲據穆圖善等奏稱劉盛藻見已抵陝接統銘軍邠乾一帶足資控禦其固原平涼地方見有雷正綰魏光燾各營駐紮該將軍一軍擬卽移紮涇州等語穆圖善見已回邠著卽趕緊部署統率所部各營移紮涇州與雷正綰魏光燾兩軍聯絡聲勢互相應援涇州與長武汧隴等處接壤時有潰勇游匪出沒該將軍當隨時查拏認真勦辦以靖地方左宗棠邵亨豫亦當飭令各路官軍協力防剿毋稍疏虞劉盛藻接統銘軍自應

安籌布置著邵亨豫飭令該臬司於邠乾一帶嚴密設防以資捍衛並將所統各營勇丁安爲駕馭毋任滋生事端將此由四百里各諭令知之○己未日重輪抱珥五色翌日如之○諭內閣前據喬松年奏遵議黃運兩河情形並籌堵運各摺片當經諭令文彬丁寶楨妥議具奏茲據奏稱遵議黃河穿運情形請仍挽復淮徐故道一摺著軍機大臣會同六部九卿與喬松年前奏各摺片一併妥議具奏○諭軍機大臣等金順奏派隊赴肅籌布後路運道並請飭購辦軍火及指撥銀兩各摺片金順所部各隊齊抵涼州已派隊赴肅助剿並畱隊分紮後路以顧運道即日督飭後隊赴肅見在肅城軍務喫緊前據左宗棠奏賊匪被剿窮蹙該處地廣兵單官軍尙未合圍亟盼勁旅早到卽著金順懍遵疊次密諭馳抵肅州會同徐占彪迅拔堅城卽行出關安籌布置毋得在涼州

逗留是爲至要金順以軍火不敷請飭江蘇巡撫趕緊就滬購辦  
細洋藥二萬磅大銅帽四百萬粒三楞礮藥五千磅派員航海運  
至天津等語軍火需用甚急若由滬運津未免久需時日著李鴻  
章按照金順所請先由天津見存之洋藥銅帽等項照數撥給由  
金順派員赴津領解到營以資應用此項軍火係屬借撥著恩錫  
趕緊如數購辦解赴天津歸還不得有誤金順因購買皮衣請飭  
部撥銀一萬五千兩著戶部照數於就近省分迅速指撥解交歸  
綏道衙門由金順派員領取將此由五百里諭知李鴻章金順並  
傳諭恩錫知之○諭奎昌等奏請調馬隊剿賊並請飭催前調各  
軍杜嘎爾奏派撥西征馬隊情形各一摺賊匪屬聚札薩克圖汗  
迤南踞山抗據亟應就地剿除烏城兵力不敷該署將軍等前調  
之察哈爾馬隊二百五十名庫倫練軍五百名著額勒和布景廉

張廷岳阿爾塔什達懷遵前旨卽行派撥剋日啟程毋稍延緩奎昌等此次因援兵未到請將福珠禮所部吉林馬隊二百五十名先行就近調撥此項馬隊見經杜嘎爾添派黑龍江馬隊前往賽爾烏蘇會合調赴榮全軍營著杜嘎爾卽將蔡哈爾提到銀兩飭令趕辦行糧迅速進發該軍沿途西行卽可覘賊趨向相機截剿如行抵烏城後該處軍情尙未稍鬆卽著奎昌等就近調度飭令與達爾濟所部各隊合力剿辦以期迅殄逆氛榮全需兵甚殷奎昌等俟該處軍務稍鬆或察哈爾庫倫調派各隊有一處到齊卽令該軍馳赴榮全軍營聽候調遣將此由六百里各諭令知之○予江蘇陣亡道員姚丙禧祭葬世職建祠浙江陣亡知縣鄭煜等建祠○癸亥 上詣 大高殿祈雪○諭內閣前因駐藏大臣恩麟擅賞戴琫花翎並巡閱營伍未經親到當經降旨將恩麟交部

議處令其來京當差並諭知恩麟於新任駐藏大臣未到以前仍將應辦事宜認真經理茲據恩麟奏德泰偪索關防請旨遵行德泰奏與恩麟意見未合照繕移會文彙呈覽各一摺德泰於特飭恩麟諭旨謬爲講解固執已見催令恩麟將關防等件剋日移交啟程回京實屬庸妄糊塗不勝幫辦之任德泰著革職卽行回旗○諭軍機大臣等德泰奏整頓藏務請飭撥餉銀並定補餉章程各摺片據稱連年藏餉短絀輒向商上借墊番情不無挾制弁兵僅放半餉亦形苦累所奏自係實情西藏遠處邊陲關繫緊要需用餉銀必應照額籌解方足以資整頓川省積欠藏餉爲數不少德泰覈計明年餉需及酌還欠款請由川庫撥實銀九萬兩著吳棠如數籌撥務於來年三四月閒解到嗣後每年額餉六萬兩限春初解到以資接濟毋稍遲誤其察木多拉里一帶汛塘弁兵並

著嚴飭打箭鑪同知設法撥給足餉毋令缺乏德泰庸妄糊塗本日已降旨革職所有藏中應辦事件著承繼實力整理承繼未到任以前仍著恩麟認真辦理毋稍大意德泰所稱補發駐藏弁兵尾餉請責成糧員等覈實辦理自爲杜弊起見著承繼恩麟明定章程飭令承辦各員遇有請咨赴川補領尾餉務須查明確數不得稍涉含糊致滋弊混至所稱弁兵應發實銀不准易錢散放商上人等以錢居奇應行查禁等語並著承繼等體察情形妥爲辦理原摺片著分別鈔給閱看將此由五百里各諭令知之○乙丑諭錢鼎銘籌撥銀三萬兩濟張曜軍餉○丙寅延煦等奏變通剝運漕米章程從之○飭江蘇等省撥銀五十萬兩濟烏里雅蘇台軍餉○加賞通州煮賑米四百石○丁卯諭軍機大臣等左宗棠奏已革提督田興恕遣戍新疆行次秦州道梗未能前進同治六

七等年賊擾鞏秦該革員隨同防軍出隊踴躍爭先見在新疆仍難起解懇請釋令回籍等語田興恕獲咎甚重本無可追姑念該革員防剿出力尙知愧奮且本年查辦遣戍各員業經分別加恩田興恕事同一律著加恩准其釋令回籍該革員到籍後著李瀚章王文韶飭令地方官嚴加管束此次准其回籍係屬法外施恩如再任性妄爲不安本分必當從嚴懲辦毋謂寬典可倖邀也將此各諭令知之○戊辰諭總理各國事務衙門奏續與俄使辯論情形一摺俄人代收伊犁一事經總理各國事務衙門王大臣等與之辯論該使臣總持先議後交之說其派兵駐紮西湖阻止中國官兵前往各節詰問再三始允轉行該國詳細聲復能否照辦尙無把握似此情形斷非空言所能有濟著榮全就見有兵力妥爲布置穩紮穩進前派英廉帶兵赴庫爾喀喇烏蘇能否紮定儘



能先復瑪納斯再與景廉彼此聯絡進復烏魯木齊庶可挽回大局該使臣以邊界之事須兩國邊界官商辦將來如與榮全會晤卽著該署將軍隨時相機辯論景廉前敵軍情若何所調各隊及奏撥成祿處吉林黑龍江馬隊曾否迎提至巴里坤錫綸抵布倫托海後所招募者已訓練成軍否著該都統通籌全局設法進取毋得坐失機宜原摺均著鈔給閱看將此由六百里各密諭知之○己巳調古北口練軍五百名赴烏里雅蘇台助剿○庚午諭軍機大臣等都興阿等奏旺清門外渾江迤西地段查勘完竣一摺旺清門外渾江迤西地段經都興阿等督飭協領崇善等前往查勘西自邊柵東至渾江南接前查地段北至哈爾敏河口二密等處共查出坐落六十九處已墾熟地十萬三千一百餘畝見已查勘完竣卽著照鳳璣二邊門外奏定章程於同治十三年起科以

昭畫一至渾江迤東一帶據奏地極寬廣游民强悍一時礙難查辦自係實在情形卽著照所請俟三五年後再行查勘其鳳蹙二邊門外催科事宜並著都興阿等飭令委員等趕緊催徵毋任拖延將此各諭令知之○命釐正科場文體○諭整頓京師捕務○允德英奏挑黑龍江巴彥蘇蘇旗丁一百名爲副甲○辛未 上詣 大高殿祈雪○癸酉諭軍機大臣等理藩院奏土爾扈特汗布彥烏勒哲依圖請赴景廉軍營投效據情代奏一摺前因布彥烏勒哲依圖不能同住游牧諭令烏里雅蘇台將軍等於所屬附近地方擇一妥善之區將該汗及隨帶人等暫行安插以示撫綏藩服之意此次該汗來京呈請赴景廉軍營投效具見惓忱惟該汗流離遷徙之餘情形苦累若再令其效力戎行殊不足以示體恤著理藩院傳知布彥烏勒哲依圖仍在烏里雅蘇台暫住所請

投效軍營之處著毋庸議並著奎昌常順多布沁扎木楚志剛隨時照料毋令失所將此諭知理藩院並諭令奎昌常順多布沁扎木楚志剛知之○乙亥諭軍機大臣等劉嶽昭奏官軍進攻順甯籌辦餉需岑毓英奏進攻大理等處情形前諭提督馬如龍統帶副部馳赴雲州一帶力籌攻克見在該提督已派副將馬青雲等管帶頭隊兵勇取道蒙化進剿惟因餉需缺乏全軍未能進發自係實在情形馬如龍接奉諭旨卽擬剋日進征任事實屬奮勇第兵行糧隨自應趕緊籌畫所有湖北應協該提督專餉及各省應解協餉著劉嶽昭迅卽咨催以資應用仍一面先行設法籌撥俾全軍得以剋日起程刻下大理攻剿正緊順甯雲州等處必須同時進攻方得牽制之勢著劉嶽昭傳諭馬如龍部署齊備卽行拔隊前進毋稍遷延大理東南角城牆攻毀數十丈城中守備甚嚴

相持未下岑毓英已派頭隊兵勇馳赴下關接應該撫亦卽親赴前敵督勦該逆被攻緊急難保不逞兇鉗險該撫務當相機籌辦於勇往之中寓慎重之意方免疏虞其蒙化等處賊巢並著飭令總兵李維述等分投力勦迅掃逆氛滇省被賊蹂躪已久民情甚爲困苦深堪軫念岑毓英馬如龍帶兵勦賊務須申明紀律約束兵勇不准絲毫騷擾用副朝廷拯民水火至意將此由五百里各諭令知之○建吉林伯都訥長春兩廳學宮設訓導各一廩增額各二名並添吉林省滿號合號廩額增額各一名○予雲南陣亡遊擊魯國祥祭葬世職○丙子左宗棠奏西甯解圍後土客各回目互相猜貳紛紛乞撫劉錦棠遵臣歷次示諭飭令先將所有馬匹槍械悉數分日呈繳然後言撫計西甯縣屬已繳馬一千六百餘匹槍矛四千餘支大通縣屬已繳馬五百餘匹槍矛一千餘支

其觀音堂溝土回則令赴統領安西軍督劉明燈行營就近呈繳亦據報收馬四百匹槍械千餘件陝回崔三等土回冶福興馬福壽等皆款營獻良馬自限按日追繳馬械彼俗所謂拉馬投誠者也其西甯城關各回民隨馬本源馬桂源遁巴燕戎格者劉錦棠飭回目馬永福往招之計陸續逃歸復業者三千數百名感官軍不殺不擾之德放膽來投者尙絡繹於道馬桂源等以黨夥已離赴劉明燈處遞呈言爲西北川回民所誤意爲脫罪求免地步以購捕告示中有解營訊辦一語也馬永福在西甯回目中最高稱樸愿本馬本源之堂叔馬本源等糾陝西叛亂馬永福在城助官民守禦甚力其子馬德源卽彼教之海裏飛素兇狡馬永福不能制至是因促馬本源等速歸就撫又爲馬本源等所殺馬本源兄弟既殺馬德源爲其族眾所不容據河回馬占鼃馬永瑞等密稟

陳湜見糾約八工撒拉回眾截其入撒拉之路陳湜已與劉錦棠密商辦法不容其深入番地也大抵回性多疑善詐似黠實愚其用心有非尋常意料所及者辦理之法不可稍涉迂緩致失事機亦不可操之太蹙令其疑畏察看劉錦棠陳湜皆深識此意臣惟有專其委任責其成功務求數百年之安不敢夸近功而忘遠大也 上諭軍機大臣等肅州回逆困踞孤城疊次出撲官軍營盤經徐占彪等奮勇擊退惟城中悍賊尙多困獸猶鬬允宜穩慎進取迅拔堅城該大臣見已添派陶生林等營前赴肅州交徐占彪節制調遣金順一軍計期亦應到肅卽著左宗棠飭令徐占彪會同金順乘此聲威迅圖攻拔以竟全功西甯土客各回呈繳馬匹槍械紛紛乞撫並著飭令劉錦棠等妥爲辦理毋稍疏虞逆首馬本源馬桂源逃遁巴燕戎格因黨與已離亦思投誠免罪該逆等

狡詐性成恐以乞撫懈我軍心萬一逃入番地則捕獲尤難仍著飭令劉明燈陳湜劉錦棠等妥慎籌辦無論是否就撫總以捕獲爲要不可稍涉迂緩致誤事機另摺奏久病未痊請特簡賢能等語該大臣辦理甘肅軍務宣力數年地方漸就肅清大功不日告竣嗣後一切善後事宜及吏治民生正賴該大臣悉心籌度至新疆軍務誠非從內豫爲布置從新豫爲調度不可將來大兵出關關內既須重臣鎮撫而籌餉籌糧並籌轉運等事尤恃有大臣實力實心經營布置庶前敵各營不虞後顧該大臣素顧大局諒早籌計及此應俟甘境敕平先將餉事兵事通盤籌畫據實奏聞朝廷倚畀方深豈可遽萌退志左宗棠著賞假一箇月安心調理河州肅州軍情仍著隨時詳悉具奏以慰廑繫將此由六百里諭令知之○戊寅諭左宗棠等籌濟成祿軍餉○予甘肅殉難吏目希

祥祭葬世職○己卯裕祭

太廟

上親詣行禮○

諭軍機大臣

等榮全奏請飭調撥官兵等語據稱探聞瑪納斯逆回復與烏魯木齊纏頭講和有糾合二千餘人先擾民團後撲官軍之謠又聞俄國兵隊五六百名由伊犁啟程欲赴西湖恐有進取瑪納斯之意英廉等駐紮庫爾喀喇烏蘇兵力本單茲據所奏各情殊有腹背受敵之慮著榮全飭令該護軍參領等穩慎扼紮妥爲防範俄兵若到西湖務當察看情形隨機應變毋稍輕率致有疏虞榮全軍營需兵孔亟該署將軍以前調杜嘎爾所部吉林黑龍江官軍五百名抵營需時因聞烏城有抽撤官兵之議請飭該城將軍大臣將在防官兵內挑選二百五十名派營總伊楞額管帶赴營俟前調官軍抵烏時截畱以補其數前據奎昌等奏該城軍情喫緊請將福珠禮所部吉林馬隊就近調撥當諭杜嘎爾飭令迅速進



發俟行抵烏城後准奎昌等暫畱防剿福珠禮一軍已令趕辦行裝拔隊較爲迅速卽著杜嘎爾檄令該軍剋日進發趨程徑赴榮全軍營不准稍涉遲滯奎昌等亦不得再行截畱致誤事機其黑龍江官兵並著杜嘎爾卽令接續前進俾資防剿烏境逆匪見竄何處著奎昌等嚴飭達爾濟實力截剿就地殄除並一面詳細奏聞將此由六百里各諭令知之○是月蠲免兩浙仁和等六場未墾蕩田本年竈課蠲緩直隸天津等二縣大窪地畝額賦暨民借倉穀湖南澧州等十一州縣暨岳州衛被水新舊額賦雜課山西臨州等四州廳縣被水被旱額賦暨民借倉穀並賑臨州災民一月口糧緩徵湖北沔陽等二十七州縣武昌等二衛被水新舊額賦雜課兩淮富安等十四場被水竈課展緩河南裕州等七十三州廳縣被水被旱新舊額賦吉林三姓歉收未完倉穀○是歲朝

鮮人貢○會計天下民穀數除江蘇安徽雲南廣西陝西甘肅未經冊報外奉天等省通共大小男婦二萬七千四百六十三萬六千一十四名口存倉米穀二百八十三萬九千五百一十四石五斗九合五勺